

證治準繩

傷寒 帙之二



內閣文庫		
番號	漢	12548
冊數	80	(2)
函號	301	61



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



傷寒證治準繩帙之二

傷寒證治準繩帙之二

金壇王肯堂輯 門人南昌張 緯校

太陽病 發熱 惡寒 惡風 頭痛 項強

身體痛

傷寒

黃經曰太陽之為病頭項強痛而惡風寒不傳經者固
有之然而傳者多矣如經言傷寒一日太陽受之脉若
靜者為不傳頗欲吐及煩燥脉數急者為傳也又曰傷
寒二三日陽明少陽證不見者為不傳也太陽經治法
有汗吐下溫和解調併刺俱有之蓋太陽所感非一傳
變多端故也雖發汗解肌一法證有輕重脉有浮沉用

傷寒大易病

卷之二

藥必宜隨脈證用之庶造仲景之深意如發熱惡寒脈浮緊麻黃湯自汗惡風脈浮緩桂枝湯此脈證相應之定法也又如項背強几几反汗出惡風桂枝加葛根脈微而惡寒桂枝麻黃各半湯發熱惡寒熱多寒少脈微弱者桂枝二越婢一湯脈浮緊自汗出小便數心煩微惡寒脚攣急桂枝加附子湯又如汗後復宜汗者發汗遂漏不止惡風小便難四肢微急難以屈伸桂枝加附子湯服桂枝大汗出脈洪大者與桂枝如前法若如瘧狀日再發宜桂枝二麻黃一湯仲景汗劑二十七湯所治五十九證大宜精別如何而用青龍湯如何而用五

文蛤散

去桂加白朮湯

甘草附子湯

吐

梔子豉湯

梔子甘草豉湯

梔子生薑豉湯

梔子厚朴湯

梔子乾薑湯

瓜蒂散

下

調胃承氣湯

大柴胡湯

承氣湯

柴胡加芒硝湯

桃仁承氣湯

抵當丸

大陷胃湯

抵當湯

大陷胃丸

白散

十棗湯

大黃黃連瀉心湯

附子瀉心湯

温

甘草乾薑湯

芍藥甘草湯

四逆湯

乾薑附子湯

茯苓桂枝甘草大棗湯

厚朴生薑甘草半夏人參湯

茯苓桂枝白朮甘草湯

芍藥甘草附子湯

茯苓四逆湯

桂枝甘草湯

真武湯

小建中湯

炙甘草湯

和解

小柴胡湯

柴胡加龍骨牡蠣湯

小陷胃湯

柴胡桂枝乾薑湯

半夏瀉心湯

生薑瀉心湯

甘草瀉心湯

柴胡桂枝湯

桂枝人參湯

白虎湯

白虎加人參湯

黃芩湯

黃芩加半夏生薑湯

調

赤石脂禹餘糧湯

旋復代赭石湯

黃連湯

傷寒太陽病

刺

縱橫刺期門

服桂枝刺風池風府

太少併病刺期門

熱入血室刺期門

太少併病刺大根肺俞

太陽之為病脉浮頭項強痛而惡寒

成經曰尺寸俱浮者太陽受病太陽

脉浮緩有汗為中風宜桂枝湯

主表為諸陽主氣脉浮頭項強痛而惡寒者太陽表病也○但有一毫頭痛即為在表

太陽病

發熱汗出惡風脉緩者名為中風

太陽病上條所揭云云者是也後皆倣此

○成風陽也寒陰也風則傷衛發熱汗出惡風者衛中風也榮病則發熱無汗不惡風而惡寒衛病則發熱汗出不惡寒而惡風以衛為陽衛外者也病則不能衛固其外而皮腠疎故汗出而惡風也傷寒脉緊傷風脉緩者寒性勁急而風性解緩故也

太陽病頭痛發熱汗出惡風者桂枝

湯主之

太陽病發熱汗出者此為榮弱衛強故使汗

出欲救邪風者宜桂枝湯

成太陽中風風併於衛則衛實而榮虛榮者陰也衛者陽

也發熱汗出陰弱陽強也內經曰陰虛者陽必湊之故少氣時熱而汗出與桂枝湯解散風邪調和榮衛

太陽中風陽浮而陰弱陽浮者熱自發陰弱者汗自出

嗇嗇惡寒淅淅惡風翕翕發熱鼻鳴乾嘔者桂枝湯主

之

成陽以候衛陰以候榮陽脉浮者衛中風也陰脉弱者榮氣弱也風并於衛則衛實而榮虛故發熱汗自

出也經曰太陽病發熱汗出者此為榮弱衛強者是也嗇嗇者不足也惡寒之貌也淅淅者灑淅也惡風之貌也衛虛則惡風榮虛則惡寒榮弱衛強惡寒復惡風者以自汗出則皮膚緩腠理疎是亦惡風也翕翕者煽煽然而熱也若合羽所覆言熱在表也鼻鳴乾嘔者風擁而氣逆也與桂枝湯和榮衛而散風邪也

人藏無他病時發熱自汗出而不愈者此衛氣不和也

先其時發汗則愈宜桂枝湯主之時發熱自汗出講有時而止惟其時作時止故病留連而不愈也當其發熱自汗之時不可與藥當先其時作候其時止而後與之故曰先其時也素問曰當其盛而必毀因其衰也事必大昌其是之謂歟

桂枝湯方

桂枝

參兩 去皮

芍藥

參兩

甘草

貳兩 炙

生薑

參兩 切

大棗

拾貳枚 擘

右五味咬咀以水柒升微火煮取參升去滓適寒溫服一升服已須臾歔熱稀粥一升餘以助藥力溫覆令一時許遍身熱熱微似有汗者益佳不可令如水流漓病必不除若一服汗出病差停後服不必盡劑若不汗更

服依前法又不汗後服小促其間半日許令三服盡若病重者一日一夜服周時觀之服一劑盡病證猶在者更作服若汗不出乃服至二三劑禁生冷粘滑肉麵五

辛酒酪臭惡等物

小促宋板 作少從容

成經云桂枝本為解肌若脉浮緊發熱汗不出者不可與之常須識此勿令誤也蓋桂枝湯本專主太陽中風必也皮膚踈濇又自汗風邪干於衛氣者乃可投之也仲景以解肌為輕以發汗為重故發汗吐下後身疼不休者津液內耗也雖有表邪而止可解肌故須桂枝湯少和之也桂味辛熱用之為君桂猶圭

也宜導諸藥爲之先聘是謂辛甘發散爲陽之意蓋發散風邪必以辛爲主內經所謂風淫所勝平以辛佐以苦以甘緩之以酸收之是以芍藥爲臣而甘草爲佐也內經曰風淫於內以甘緩之以辛散之生薑味辛溫大棗味甘溫是用以爲使而此又不特專於發散以脾主爲胃行其津液薑棗之用專行脾之津液而和榮衛者也麻黃湯不用薑棗者謂專於發汗不待行化而津液得通矣

龐凡桂枝湯病證者常自汗出小便不數手足溫和或手足指稍露之則微冷覆之則溫渾身熱微煩而又憎寒始可行之若病者無汗小便數或手足逆身冷不惡寒反惡熱或飲酒後慎不可行桂枝湯也脈緊必無汗設有汗不可誤作桂枝證

許有人病發熱惡寒自汗脈微弱而浮三服湯而愈此方在仲景一百十三方內獨冠其首今人全不用何也仲景云太陽中風陽浮而陰弱陽浮者云至翕翕發熱宜桂枝湯此脈與證仲景說得甚明後人看不透所以不敢用也假令寸口脈微名曰陽不足陰氣上入陽中則灑淅惡寒也尺脈弱名曰陰不足陽氣下陷入陰中則發汗也此謂元氣受病而然

也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒舉此二端明白易曉何憚而不用桂枝湯哉

垣仲景治表虛製此湯桂枝味辛熱發散助陽體輕本乎天者親上故桂枝為君芍藥甘草佐之如陽脉瀋陰脉弦法當腹中急痛乃製小建中湯以芍藥為君桂枝甘草佐之一則治其表虛一則治其裏虛故各有主用也後學當觸類而長之以桂枝易肉桂

治寒腹痛神品藥也如夏中熱腹疼少加黃芩去桂痛立止桂於春夏二時為禁藥

陶桂枝麻黃湯為當時傷寒設與過時之溫暑者何預焉若以此二湯通治春溫夏暍之病則誤之甚矣

麻黃湯
傷寒宜
無汗為

俱緊者名曰傷寒或經曰凡傷於寒則為病熱為寒氣

即發熱者風為陽也及傷寒云或已發熱或未發熱以寒為陰邪不能即熱鬱而方變熱也風則傷衛寒則傷榮衛虛者惡風榮虛者惡寒榮傷寒者必惡寒也氣病者則麻血病者則痛風令氣緩寒令氣逆體痛嘔逆者榮中寒也經曰脉盛身寒得之傷寒脉陰陽俱緊者知其傷寒也○但見惡寒即為在表此是要訣

陽病頭痛發熱身疼腰痛骨節疼痛惡風無汗而喘者

傷寒論陽明篇
麻黃湯主之成寒則傷榮頭痛身疼腰痛以至牽連骨節疼痛者太陽經榮血不利也內經曰風寒客於人使人毫毛畢直皮膚閉而為熱者寒在表也風并於衛衛實而榮虛者自汗出而惡風寒也寒并於榮榮實而衛虛者無汗而惡風也以榮強衛弱故氣逆而喘與麻黃湯以發其汗

麻黃湯方

麻黃

參兩去節

桂枝

貳兩去皮

甘草

壹兩炙

杏仁

柒拾個泡去皮尖

右四味以水九升先煮麻黃減二升去上沫內諸藥煮取貳升半去滓溫服捌合覆取微似汗不須啜粥餘如桂枝法凡用麻黃去節先滾醋湯畧浸片時撈起以備後用庶免太發如冬月嚴寒腠理緻密當生用
一用麻黃後汗出不止者將病人髮披水盆中足露

出外用炒糯米壹升龍骨牡蠣藁本防風各壹兩研為細末周身撲之隨後祕方用藥免至亡陽而死此良法也

吳或云發汗必用麻黃亦有禁用者何也凡傷寒發於天令寒冷之時且其寒邪在表閉其腠理身疼拘急惡寒而無汗者須用麻黃辛苦之藥為能開發腠理逐寒邪汗出而解也惟夏月炎暑之時為禁用之藥故宜辛涼之劑以發之乃葛根葱白豆豉之類是也若麻黃加涼劑在內亦可用如通解散是也
成本草言輕可去實即麻黃葛根之屬實謂寒邪在

表汗不出而腠密邪氣勝而表實輕劑所以揚之麻
黃味甘苦用以爲君者以麻黃爲輕劑而專主發散
也風邪在表而膚理疎者必以桂枝解其肌今寒邪
在經表實而腠密非桂枝所能獨散必專麻黃以發
汗而桂枝所以爲臣也內經曰寒淫於內治以甘熱
佐以辛苦者茲是類歟內經曰肝苦急急食甘以緩
之肝者榮之主也傷寒榮勝衛固血脈不流必用味
甘之物以緩之故以甘草味甘平杏仁味苦溫爲之
佐使且桂枝湯主中風風則傷衛風邪併於衛則衛
實而榮弱仲景所謂汗出惡風者此爲榮弱衛強故

桂枝湯佐以芍藥用和榮也麻黃湯主傷寒寒則傷
榮邪併於榮則榮實而衛虛內經所謂氣之所併爲
血虛血之所併爲氣虛者是矣故麻黃湯佐以杏仁
用利氣也

太陽中風脈浮緊發熱惡寒身疼痛不汗出而煩躁者
大青龍湯主之若脈微弱汗出惡風者不可服服之則
厥逆筋惕肉瞤此爲逆也成此中風見寒脈也浮則爲
傷榮榮衛俱病故發熱惡寒身疼痛也風并於衛者爲
榮弱衛強寒併於榮者爲榮強衛弱今風寒兩傷則榮
衛俱實故不汗出而煩躁也與大青龍湯發汗以除榮
衛風寒若脈微弱汗出惡風者爲榮衛俱虛反服青龍
湯則必亡陽故生厥逆
傷寒脈浮緩身不疼但重乍

傷寒大青龍湯

有輕時無少陰證者大青龍湯發之成此傷寒見風脈也傷寒者身疼此以風勝故身不疼中風者身重此以蕪風故乍有輕時不發厥吐利無少陰裏證者為風寒外甚也與大青龍湯以發散
表中風寒

大青龍湯方

麻黃

陸兩 去節

桂枝

貳兩 去皮

甘草

貳兩 炙

杏仁

肆拾枚 去皮尖

生薑

參兩 切

大棗

拾貳枚 擘

石膏

雞子大 碎

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉粉之一服汗者停後服若復服汗多亡陽遂一作逆虛惡風煩

躁不得眠也

成青龍東方甲乙木神也應春而主肝專發生之令為數榮之主萬物出甲開則有兩岐肝有兩葉以應之謂之青龍者以發散榮衛兩傷之邪是應肝木之體耳桂枝湯主中風麻黃湯主傷寒中風脈浮緊為中風見寒脈傷寒脈浮緩為傷寒見風脈是風寒兩傷也風蕪寒寒蕪風雖欲與桂枝湯解肌以祛風而不能已其寒或欲以麻黃湯發汗以散寒而不能去其風茲仲景所以特處青龍湯而兩解也麻黃味甘溫桂枝味辛熱寒則傷榮必以甘緩之風則傷衛必

以辛散之此風寒兩傷榮衛俱病故以甘辛相合而為發散之劑表虛腠竅則以桂枝為主此為表實腠理密者則以麻黃為主是先麻黃為君後桂枝為臣也甘草味甘平杏仁味甘苦苦甘為助佐麻黃以發表大棗甘溫生薑味辛溫辛甘相合佐桂枝以解肌風陽邪寒陰邪風則傷陽寒則傷陰榮衛陰陽為風寒兩傷則非輕劑可獨除散也必須輕重之劑以同散之乃得陰陽之邪俱已榮衛之氣俱和是以石膏味苦辛微寒質重而又專達肌表為使也大青龍發汗之重劑用之稍過則有亡陽之失經曰若脈微弱汗出惡風者不可服服之則厥逆筋惕肉瞤此為逆也又曰一服汗者停後服若再服汗多亡陽遂致惡風煩躁不得眠也用者宜詳審之

吳天青龍湯仲景治傷寒發熱惡寒煩躁者則用之夫傷寒邪氣在表不得汗出其人煩躁不安身心無如之奈何如脈浮緊或浮數者急用此湯發汗則愈乃仲景之妙法也譬若亢熱已極一雨而涼其理可見也若不曉此理見其躁熱投以寒涼之藥其害豈勝言哉若脈不浮緊而數無惡風惡寒身疼者亦不可用之也如誤用之其害亦不淺也所以脈證不明

傷寒論卷之二十一
傷寒論卷之二十一
者多不敢用也

許仲景治傷寒一則桂枝二則麻黃三則青龍桂枝
治中風麻黃治傷寒青龍治中風見寒脈傷寒見風
脈三者如鼎立人皆能言之而不曉前人處方用藥
之意故醫遂多不用無足怪也且脈緩而浮者中風
也故齏齏惡風淅淅惡寒翕翕發熱仲景以桂枝對
之脈浮緊而濇者傷寒也故頭痛發熱身疼腰痛骨
節疼痛惡寒無汗而喘仲景以麻黃對之至於中風
脈浮緊傷寒脈浮緩仲景皆以青龍對之何也予嘗
深究三旨若證候與脈相對無不應手而愈何以言

之風傷衛衛氣也寒傷榮榮血也榮行脈中衛行脈
外風傷衛則風邪干陽陽氣不固發越而為汗是以
自汗是表虛故仲景用桂枝以發其邪芍藥以和其
血蓋中風則病在脈之外其病稍輕雖曰發汗特
解肌之藥耳故仲景於桂枝證云令半身絳絳微似
有汗不可如水淋漓病必不除是知中風不可大發
汗汗過則反動榮血邪氣乘虛襲之故病不除也寒
傷榮則寒邪入陰血而榮行脈中者也寒邪居脈中
非特榮受病邪自內作則併與衛氣犯之久則浸淫
及骨是以汗不出而熱齒乾而煩寃仲景以麻黃發

其汗又以桂枝甘草助其發散欲滌除內外之邪榮
衛之病耳天抵二藥皆發汗以桂枝則發其衛之邪
麻黃并榮與衛治之亦自有淺深也何以驗之仲景
桂枝第十九證云病當自汗出者此為榮氣和榮氣
和者外不諧以衛氣不共榮氣諧和故爾以榮行脉
中衛行脉外復發其汗榮衛和則愈宜桂枝湯又四
十七證云發熱汗出此為榮弱衛強故使汗出者欲
救邪風宜桂枝湯是知中風汗出者榮和而衛不和
又第一卷云寸口脉浮而緊浮則為風緊則為寒風
則傷衛寒則傷榮榮衛俱病骨節煩疼當發其汗是

知傷寒浮緊者榮衛俱病也麻黃湯中并用桂枝此
仲景之言也至於青龍雖治傷風見寒脉傷寒見風
脉之病然仲景又云汗出惡風者不可服之服之厥
逆便有筋惕肉瞤之證故青龍一證尤難用藥須是
形證諦當然後可行故王寔夫證止用桂枝麻黃各
半湯治之蓋慎之也

陶熱盛而煩手足自溫脉浮而緊此傷風見寒脉也
不煩少熱四肢微厥脉浮而緩此傷寒見風脉也二
者為榮衛俱病法宜大青龍湯但此湯險峻須風寒
俱甚又加煩躁乃可與之不如桂枝麻黃各半湯為

傷寒太陽病
穩尤不若九味羌活湯加石膏知母枳殼也

溫粉方

白朮

藁本

川芎

白芷

各等分

右研為細末每末一兩入米粉三兩和勻撲周身止汗若汗過多恐亡陽遂厥逆惡風煩躁不得眠故宜以此粉止之

太陽病項背強几几反汗出惡風者桂枝加葛根湯主

太陽病項強有汗者葛根湯

之按詩緇風狼跋云赤舄几几注云几几絢貌絢謂拘着鳥屨頭為行戒狀如刀衣鼻在屨頭言拘者取自拘持使低目不妄顧視按此可以想見項背拘強之狀若作鳥羽釋則几當音殊而於拘強之義反不切矣後

證葛根湯者乃桂枝湯中加麻黃葛根也其證無汗故以麻黃發之此證有汗故去麻黃而曰桂枝加葛根湯也若有麻黃則亦葛根湯矣成氏不當設疑於注以眩後學故辯之

桂枝葛根湯方

葛根

肆兩

芍藥

貳兩

甘草

貳兩

生薑

叁兩切

桂枝

貳兩去皮

大棗

拾貳枚擘

右七味以水一斗煮取三升去滓溫服一升

無汗者葛根湯

太陽病項背強几几無汗惡風葛根湯主之

葛根湯方

葛根

肆兩

麻黃

叁兩去節

桂

貳兩去皮

芍藥

貳兩切

甘草

貳兩炙

生薑

叁兩切

傷寒太陽病

卷之二十一

七

大棗拾貳枚

右七味咬咀以水一斗先煮麻黃葛根減貳升去沫
內諸藥煮取三升去滓溫服一升覆取微似汗不須
啜粥餘如桂枝法將息及禁忌

本草云輕可去實麻黃葛根之屬是也此
以中風未實故加二物於桂枝湯中也

脈微身
者桂
各半

太陽病得之八九日如瘧狀發熱惡寒熱多寒少其人
不嘔清便欲自可一日二三度發脈微緩者為欲愈也
脈微而惡寒者此陰陽俱虛不可更發汗更下更吐也
面色反有熱色者未欲解也以其不能得小汗出身必
痒宜桂枝麻黃各半湯成傷寒八九日則邪傳再經又
偏三陽欲傳二陰之時也傳經

次第則三日傳遍三陽至四日陽去入陰不入陰者為
欲解其傳陰經第六日傳遍三陰為傳經盡而當解其
不解傳為再經者至九日又遍三陽陽不傳陰則解如
瘧發作有時也寒多者為病進熱多者為病退經曰厥
少熱多其病為愈寒多熱少陽氣退故為進也今雖發
熱惡寒而熱多寒少為陽氣進而邪氣少也裏不和者
嘔而利今不嘔清便自調者裏和也寒熱間日發者邪
氣深也日一發者邪氣復宋本作有常也日再發者邪
氣淺也日二三發者邪氣微也內經曰大則邪至小則
平言邪甚則脈大邪少則脈微也今日數多而脈微緩者
是邪氣微緩也故云欲愈脈微而惡寒者表裏俱虛也
陽表也陰裏也脈微為裏虛惡寒為表虛以表裏俱虛
故不可更發汗更下更吐也陰陽俱虛則面色青白反
有熱色者表未解也熱色為赤色也得小汗則和不得
汗則邪氣外散皮膚而為痒也與桂枝麻黃各半湯小
發其汗以除表邪首一節至寒少止為自初至今之
證下文皆擬病防變之辭當分作三截看至欲愈也是
不須治至吐也是宜溫之至末是小汗之麻黃發桂枝
止一發一止則
汗不得大出矣

桂枝麻黃各半湯方

桂枝 壹兩拾陸銖去皮 芍藥

生薑 切

甘草 炙

麻黃 去節 各壹兩

大棗 肆枚

杏仁 貳拾肆枚湯浸去皮尖及雙仁者

右七味以水五升先煮麻黃一二沸去上沫內諸藥煮取一升八合去滓溫服六合

太陽病發熱惡寒熱多寒少脈微弱者此無陽也不可

身微弱 桂枝各半湯

發汗宜桂枝二越婢一湯 前脈微弱面有熱色身痒以此微而加弱焉則又虛於前證矣雖小汗亦不宜故云不可發汗決詞也然病在太陽表證未罷桂枝發散之藥終不可無但不令汗而已

桂枝二越婢一湯方

桂枝 去皮

芍藥

甘草 各柒錢半

生薑 壹兩 貳銖切

大棗 肆枚

麻黃 去節 柒錢半

石膏 壹兩碎 綿裹

右七味以水五升先煮麻黃一二沸去上沫內諸藥煮取二升去滓溫服一升本方當裁為越婢湯桂枝湯合飲一升今合為一方桂枝二越婢一胃為十二經之主脾治水穀為卑藏若脾內經曰脾主為胃行其津液是湯所以謂之越婢者以發越脾氣通行津液外臺方一名越脾湯即此義

凡仲景稱太陽病者皆表證發熱惡寒頭項強痛也
若脈浮大則與證相應宜發汗今見表證而脈反微
不與證應故不可發汗但用一二各半湯等和之可
也

太陽中
喝證

若太陽中喝發熱惡寒脈微弱手足逆冷而渴者白虎
加人參湯方論見
暑病

太陽畜
血證

太陽病六七日表證仍在脈微而沉反不結胸其人發
狂者以熱在下焦少腹當鞞滿小便自利者下血乃愈
所以然者以太陽隨經瘀血在裏故也抵當湯主之方
論
見畜
血 太陽病身黃脈沉結少腹鞞小便不利者為無

詳畜
血 血也小便自利其人如狂者血證諦也亦抵當湯主之

太陽濕
痺
太陽勿
證

凡仲景稱太陽證脈沉者皆謂發熱惡寒頭項強痛
而脈反沉也其證兼發狂小腹鞞者為畜血此條抵
當湯是也

湯陰

兼關節痛小便不利身黃者為濕痺論見
濕
兼卒口噤反張者為瘕若無汗惡寒名剛瘕宜葛根湯
若有汗不惡寒名柔瘕宜瓜蒌桂枝湯詳雜病
瘕門
病發熱頭痛脈反沉若不瘥身體疼痛當救其裏宜四
逆湯 少陰病始得之反發熱脈沉者麻黃附子細辛

百病集

卷之二

八

湯主之

趙竊詳太陽病發熱頭痛法當脈浮今反沉少陰脈沉法當無熱今反熱仲景於此兩證各言反者謂反常也蓋太陽病脈似少陰少陰脈病似太陽所以皆謂之反而治之當異也今究其旨均是脈沉發熱以其有頭痛故為太陽病陽證當脈浮今反不能浮者以裏虛久寒正氣衰微所致又身體疼痛故宜救裏使正氣內復逼邪出外而乾薑生附子亦能出汗而解假使裏不虛寒則脈當見浮而正屬太陽麻黃證也均是脈沉發熱以其無頭疼故名少陰病陰病當

無熱今反熱則寒邪在表未傳於裏但以皮腠鬱閉為熱而在裏無熱故用麻黃細辛以發表間之熱附子以溫少陰之經假使寒邪入裏則外必無熱當見吐利厥逆等證而正屬少陰四逆湯也由此觀之表邪浮淺發熱之反猶輕正氣衰微脈沉之反為重此四逆湯不為不重於麻黃附子細辛湯也又可見熟附配麻黃發中有補生附配乾薑補中有發仲景之旨微矣

麻黃附子細辛湯方

麻黃

貳兩去節

細辛

貳兩

附子

壹枚炮去皮破掬片

右三味以水一斗先煮麻黃減二升去上沫內藥煮
取三升去滓溫服一升日再服

成內經曰寒淫於內治以甘熱佐以苦辛以辛潤之
麻黃之可以解少陰之寒細辛附子之辛以溫少陰
之經

趙詳似景發汗湯劑各分輕重不同如麻黃桂枝湯
青龍各半越婢等湯各有差等至於少陰發汗二湯
雖同用麻黃附子亦有加減輕重之別故以加細辛
為重加甘草為輕辛散甘緩之義也其第一證以少
陰本無熱今發熱故云反也蓋發熱為邪在表而當

汗又兼脈沉屬陰而當溫故以附子溫經麻黃散寒
而熱須汗解故加細辛是汗劑之重者第二證既無
裏寒之可溫又無裏熱之可下求其所以用麻黃附
子之義則是脈亦沉方可名曰少陰病身亦發熱方
行發汗藥又得之二三日病尚淺比之前證亦稍輕
故不重言脈證而但曰微發汗所以去細辛加甘草
是汗劑之輕者

凡仲景稱太陽病不惡寒者皆謂發熱頭項強痛脈
浮而反不惡寒也其證兼渴者為溫病兼汗出者為

柔瘧

方論見溫
病柔瘧

傷寒六七日發熱微惡寒支節煩疼微嘔心下支結外
證未去者柴胡加桂枝湯主之成傷寒六七日邪當傳裏之時也支散也嘔而心下結者裏證也法當攻裏發熱微惡寒支節煩疼為外證未去不可攻裏與柴胡桂枝湯以和解之○按支字訓散字未瑩支節支結復不同支節猶云枝節古字通也支結猶云支撐而結當活看不可拘泥文字字訓作散則不能結也南陽云外證未解心下妨悶者非痞也謂之支結

柴胡加桂枝湯方

桂枝 去皮

黃芩

人參

各壹兩半

甘草 炙壹兩

芍藥

生薑

切各壹兩半

太棗 陸枚

柴胡 肆兩

半夏

貳合

右九味以水七升煮取三升去滓溫服

凡仲景稱表不解者皆謂太陽病發熱惡寒頭項強痛脈浮也蓋病雖屬太陽表證而有裏證兼之者則不言太陽病但稱表不解也其兼心下支結者此條柴胡桂枝湯是也

兼心下有水氣乾嘔而欬者小青龍也方論見欬 兼脇痛

手足溫而渴者小柴胡也 兼心下痞者先用桂枝解

表後以瀉心攻痞也方論見痞 兼下利腹滿脹者先以四

逆溫裏後以桂枝攻表也方論見下利

太陽病欲解時從已至未解 太陽病未解脈陰陽俱

停必先振慄汗出而解但陽脈微者先汗出而解陰脈

微者下之而解若欲下之調胃承氣湯主之 太陽病
脈浮緊發熱身無汗自衄者愈

太陽外證未解不可下之下之為逆欲解外者宜桂枝

湯主之

經云本發汗而欲下之為逆也若先發汗治不為逆

海大小調胃三承氣湯必須脈浮頭痛惡風惡寒表

證盡罷而反發熱惡熱譫語不大便方可用之若脈

浮緊下之必結胃若脈浮緩下之必痞氣

許常記一親戚病傷寒身熱頭痛無汗大便不通已

四五日予訊問之醫者治大黃朴硝等欲下之予曰

子姑少待予為視之脈浮緩居密室中自稱甚惡風

予曰表證如此唯大便不通數日腹且不脹別無所

苦何遽便下之大抵仲景法須表證罷方可下不爾

則邪乘虛而入不為結胸則為熱利也予作桂枝麻

黃各半湯繼以小柴胡漿漿汗出大便亦通而解

仲景云凡傷寒之病多從風寒得之始則表中風寒

入裏則不消矣擬欲攻之當先表解乃可下之若表

已解而內不消大滿大堅實有燥糞者自可除下之

雖四五日不能為禍也若不宜下而便攻之內虛熱

入為挾熱自利煩躁之變不可勝數輕者困篤重者

必死矣 原本正文重疊予刪正此段其理甚明大

傷寒大陽病 卷之二
抵風寒入裏不消必有燥糞或大便堅祕須是脉不
浮不惡風表證罷乃可下之大便雖四五日不通亦
無害若不顧表而下遂為挾熱利也

右桂枝麻黃為長沙入手第一方而麤工以之殺人
者往仕而是故易水師弟以它藥代之不知者謂長
沙有巧余謂此正易水師弟不及長沙處而婆心
切矣 醫守之可以萬全今具撫為後賢表證治例
及補 惡發散二條于後臨病之工宜詳玩焉

發熱

發熱者無休止時也寒熱者寒已而熱熱已而寒相繼而發也潮熱者有時熱有時止如
潮汛之不失其期也若發熱不惡寒而渴為溫
病發汗已身體灼熱者為風濕若發熱手或微
厥下利清穀此為陰證也失下血氣不通四肢
逆冷却發熱此熱深厥亦深也頭痛發熱惡寒
身不疼痛此傷食證也不惡寒身不痛知非傷
寒頭不疼脉不緊知非裏實但煩熱者虛煩也

中風即發熱者風傷衛也傷寒不即發熱者寒傷榮也
經云傷寒一二日或已發熱或未發熱是也凡翕翕發
熱而有惡風惡寒頭痛脉浮者表熱也此由風寒客於
皮膚陽氣怫鬱所致宜汗之若小便黃非在外凡蒸蒸
發熱而兼有譫語大便秘小便赤腹滿惡熱脉滑實者
裏熱也此由陽氣下陷入陰中所致宜下之若小便清

表裏

非在內也其在少陰厥陰發熱者謂之反發熱惟太陰無發熱之候若脉陰陽俱盛熱不止者死下利發熱汗後復發熱脉躁疾不為汗衰狂言不能食陰陽不交者死 蘭臺治例曰邪在三陽太陽證多與潮熱若同而異邪在三陰少陰證多與煩躁相類而非

發熱惡寒脉浮者屬表即太陽證也方論見前發熱

汗出不惡寒反惡熱者屬裏即陽明證也方論見發

熱脉弦細頭痛者屬半表半裡即少陽證也論見口

發熱而嘔者小柴胡湯論見發熱欬嗽表不解者小

青龍湯兼脇痛喜嘔者小柴胡加乾薑五味子湯方論

發熱而喘表不解者小青龍去麻黃加杏仁湯兼胃

滿者麻黃湯方論發熱口渴有屬表者有屬裡者治

法方論甚眾並見渴門

發熱汗解半日許復煩躁脉浮數大者可更發汗宜桂

枝湯詳煩

發汗後惡風寒者虛故也不惡寒但惡熱者實也當和

胃氣宜調胃承氣湯經曰汗出不惡寒者此表解裏

太陽病三日發汗不解蒸蒸發熱者屬胃也調胃承氣

湯主之海大黃洩實芒硝軟堅甘草和中必燥實堅三證全者可用

調胃承氣湯方

汗後脉浮數者更汗

汗後惡熱者下

傷寒發熱

大黃

壹兩○海宜酒浸蓋邪氣居高非酒不到譬如物在高巔人跡所不及必射而取之故用酒浸引上若生用苦洩峻下則遺高分之邪熱所以愈後或目赤或喉閉或頭腫膈上反生熱證矣

甘草

半兩炙○海甘以緩之

芒硝

改錢○海辛以潤之鹹以飲之

右吹咀水一盞煮大黃甘草至七分去滓入芒硝更上火微煮令沸少少温服

成内經曰熱淫於内治以鹹寒佐以苦甘芒硝鹹寒以除熱大黃苦寒以蕩實甘草甘平助二物推陳而緩中

發熱汗出不解心下痞鞭嘔吐而利者大柴胡湯

論見痞

汗之仍熱

發汗後身灼熱脉浮汗出身重多眠鼻鼾者風温

論見

風温

發汗後仍發熱心悸頭眩身憊動振欲擗地者

宜真武湯

論見下利

汗出熱不去内拘急四肢疼下利厥

逆惡寒者宜四逆湯

論見下利

大汗出脉陰陽俱盛不解

者死

内經云温病汗徹復熱而脉躁疾不為汗衰狂言不能食謂之陰陽交者必死也

太陽病先發汗不解而復下之脉浮者不愈浮為在外

而反下之故令不愈今脉浮故知在外當須解外則愈

桂枝湯主之汗下後仍頭痛發熱心下滿小便不利

者桂枝去桂加茯苓白朮湯

心中結痛者梔子豉湯主之

論見心痛

大下後身熱不去

熱之仍

傷寒發熱

卷之二十一

三十五

吐之發熱

微煩者梔子乾薑湯方論見煩陽明病下之其外有熱手足溫心中懊憹飢不能食但頭汗出者梔子豉湯論見煩太陽病當惡寒發熱今自汗出不惡寒發熱關上脈細數者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也此為小逆成惡寒發熱為太陽表病自汗出病醫反吐之傷動胃氣表邪乘虛傳於陽明證本太陽表細數知醫吐之所致病一二日為表邪尚寒而未成熱吐之則表寒傳於胃中胃中虛寒故腹中飢而口不能食病三四日則表邪已傳成熱吐之則表熱乘虛入胃胃中虛熱故不喜糜粥欲食冷食朝食暮吐也朝食暮吐者晨食入胃胃虛不能消化故停久而復吐出者知為醫誤吐之胃虛所致本太陽病吐不為逆以傳陽明故以為逆然陽明雖為入府猶是陽經故不為逆而

瘥後更熱

曰小逆也瘥後更熱者小柴胡湯脈浮者以汗解脈沉者以下解詳勞復

脈浮滑者自虎湯

傷寒脈浮滑此表有熱裏有寒白虎湯主之前篇云熱裏俱熱者白虎湯主之又云其表不解不可與白虎湯此云脈浮滑表有熱裏有寒者必表裏字差矣又陽明一證云脈浮遲表熱裏寒四逆湯主之又少陰一證云裏寒外熱通脈四逆湯主之以此見差明矣又陽明篇曰脈滑而疾者小承氣湯既用承氣是為裏熱也又厥陰篇曰脈滑而厥者裏有熱白虎湯主之是謂滑為裏熱明矣况知母石膏性皆大寒豈應以水濟水成氏隨文釋之非也

白虎湯方

知母 陸兩

石膏 壹斤

甘草 貳兩

粳米 陸合

右四味以水一斗煮米熟湯成去滓温服一升日三服
成白虎西方金神也應秋而歸肺熱甚於內者以寒
下之熱甚於外者以涼解之其有中外俱熱內不得
泄外不得發非是湯則不能解暑暍之氣得秋而止
故曰處暑是湯以白虎名謂能止熱也內經曰熱淫
所勝佐以苦甘又曰熱淫於內以苦發之欲徹表熱
必以苦為主故以知母苦寒為君熱則傷氣寒以勝
之甘以緩之熱勝其氣必以甘寒為助是以石膏甘
寒為臣脾苦濕急食甘以緩之熱氣內餘消爍津液

必以甘平之物緩其中故以甘草粳米為使是太陽
中暍得此湯則頓除即熱見白虎而盡矣立秋後不
可服白虎為大寒劑秋時服之必為噦逆虛羸者多
矣

垣身以前胃之經也胸胃肺之室也邪在陽明肺受
火制故用辛寒以清肺所以號為白虎湯也

海夫傷寒表證發熱惡熱而渴與下雜證同但頭痛
身熱目痛鼻乾不得卧白虎主之乃陽明經病也正
陽陽明氣病脈洪大先無形也雜病裏證發熱惡熱
而渴但目赤者病藏也手太陰氣不足不能管領陽

傷寒論卷之二十一
氣也宜以枸杞生地黃熟地黃之類主之脉洪大甚則嘔血先有形也 氣病在裏誤用血藥無傷也為安血而益陰也血病在裏誤用氣藥如白虎湯者非也為瀉肺而損陰也

垣辯誤服白虎變證○昔西臺掾葛君瑞二月中病傷寒發熱以白虎湯士之病者面黑如墨本證遂不復見脉沉細小便不禁東垣初不知也及診之曰此立夏以前誤服白虎白虎大寒非行經之藥止能寒藏府不善用之則傷善氣本病曲隱於經絡之間或投以大熱之藥求以去陰邪他證必起非所以救白

虎也可用溫藥升陽行經有難者曰白虎大寒非大熱何以救君之證奈何東垣曰病隱經絡間陽道不行而本證見矣又何難哉果如其言而愈

張活人謂白虎湯治中暍併汗後一解表藥耳非正傷寒藥也而夏月陰氣在內白虎尤宜戒之夫白虎湯具載仲景之書證治昭然明白何為言非正傷寒之藥也况傷寒論言無表證者可與白虎湯今云汗後一解表藥耳于法既無表證何解之有又曰夏月陰氣在內白虎尤宜戒之而明理論又云立秋後不可服秋則陰氣半矣而白虎大寒若不能禁服之而

傷寒身無表證而大煩渴于法合用白虎湯苟拘其
時何以措手若以白虎為大寒其承氣又何行于冬
令乎既以夏宜戒秋後不可行然則宜乎何時也雖
然經云必先歲氣無伐天和此言常也假如賊邪變
出陰陽寒熱亦當捨時從證豈可以時令拘哉

傷寒脈浮發熱無汗其表不解者不可與白虎湯若大
渴欲飲水無表證者白虎加人參湯主之或傷寒脈浮
發熱無汗其
表不解不渴者宜麻黃湯渴者宜五苓散非白虎所宜
大渴欲水無表證者乃可與白虎加人參湯以散裏熱

臨病之工大宜精別○張經言可與其湯或言不可與
者此設法禦病也又云宜其湯此臨證審決也言其湯
主之乃對證施治也此三者方法之
條目也包藏深理非一言可以具述

脈浮而遲表熱裏寒下利清穀者四逆湯論見 下利

厥逆汗出熱不去者四逆湯
少陰病下利清穀厥逆裏寒外熱者通脈四逆湯方論

傷寒表不解乾嘔發熱而咳下利者小青龍去麻黃加
芫花湯論見 太陽與陽明合病必下利其證頭痛腰

疼身熱鼻乾脈浮大而長者宜葛根湯論見 發熱下
利脈微遲厥逆者通脈四逆湯 太陽與少陰合病自

厥浮遲者四逆湯
逆發熱厥
利發熱下

下利其證頭寒曾滿往來寒熱脉浮大而弦者宜黃芩

湯論見合病下利清穀脉沉遲其人面赤微熱而厥者必

鬱胃汗出自解發熱下利厥逆躁不得臥者死發

熱而利汗不止者死二論俱見下利

發熱吐利心下痞硬者大柴胡湯渴者五苓散不渴者

理中湯論並見痞及吐利門

發熱經水適來適斷小柴胡湯刺期門論見譫語瘡狀發熱

脉數消穀不大便者有瘀血宜抵當湯論見畜血

戴諸陽發熱已見前三陽經陰不發熱惟少陰能發

熱然少陰發熱有二證初得病即見少陰證發熱惡

寒頭不疼宜麻黃細辛附子湯若下利清穀身熱

躁擾裏寒外熱仲景謂之反發熱此乃陰盛隔陽宜

四逆湯附子理中湯蓋陽氣傳陰經而下利者乃是

熱利陽陷入裏外所以無熱陰氣入陰經而下利者

乃是裏寒自利寒既在裏為主則陽氣必客於外所

以外反熱要知陰證發熱自是不同發於陽而發熱

者頭必疼發於陰而發熱者頭不痛此為驗也又

發汗後只惡寒者為虛虛乃表虛發汗後只惡熱者

為實實乃裏實只惡寒者是發其汗或汗出太過所

謂陽微則惡寒宜芍藥甘草附子湯只發熱者是表

發熱註

發熱畜

已解而裏不消所謂陰微則發熱宜大柴胡湯或小承氣湯 又有汗下後陰陽不相入水火不相濟致餘熱未退不可更用冷藥內外俱未可故宜小建中湯若其人已虛虛能生熱宜小建中湯加當歸一錢或四君子湯加黃芪半錢或十全大補湯調其榮衛虛者四柱湯真武湯 審之是邪熱未解雖經汗下却不畏虛而養病宜竹葉石膏湯

宋元諸賢表證發熱治例

潔有汗不得服麻黃無汗不得服桂枝然春夏汗孔踈雖有汗不當服桂枝宜用黃芪湯和解之秋冬汗孔閉

雖無汗不當服麻黃宜用川芎湯和解之春夏有汗脈微而弱惡風惡寒者乃太陽證秋冬之脈也宜用黃芪湯無汗亦用川芎湯秋冬有汗脈盛而浮發熱惡熱者乃陽明證春夏之脈也宜用黃芪湯無汗亦用川芎湯大抵有汗皆宜黃芪湯無汗皆宜川芎湯主之黃芪湯有汗則能止之

白朮

黃芪

防風

各等分

右咬咀每服五七錢至一兩水煎溫服汗多惡風甚者加桂枝

川芎湯無汗則能發之

川芎

蒼朮

羌活

各等分

右咬咀每服五七錢至一兩水煎熱服無汗惡風甚者加麻黃壹貳錢

海神木湯治內傷冷飲外感寒邪無汗者

蒼朮

防風

甘草

各貳兩

壹兩

右咬咀加葱白生薑同煎服如太陽證發熱惡寒脉浮而緊者加羌活貳錢 如太陽證脉浮緊中帶弦數者是兼少陽也加柴胡貳錢 如太陽證脉浮緊中帶洪者是兼陽明也加黃芩貳錢 婦人服者加當歸或加木香湯或加藁本湯各貳錢如治吹妳煎

調六一散三五錢神效

又神木湯六氣加減例

太陽寒水司天 加羌活桂枝餘歲非時變寒亦加冬亦加

陽明燥金司天 加白芷升麻餘歲非時變涼濕亦加秋亦加

少陽相火司天 加黃芩地黃餘歲非時變雨濕亦加夏亦加

太陰濕土司天 加白朮藁本餘歲非時變熱濕亦加夏末秋初亦加

少陰君火司天 加細辛獨活餘歲非時變熱亦加春
末夏初亦加

厥陰風木司天 加川芎防風餘歲非 變溫和亦加
夏亦加

已上神木湯六氣加減法非止為司天之氣設也至
於歲之主氣與月建日時同前應見者皆當隨所見
依上例加減之按海藏此論與戴人云病如不是當
年氣看與何年運氣同便向此中求妙法方知皆在
至真中之歌相表裏實發前人之所未發也蓋海藏
此論所謂某氣司天加某藥者治常氣之法也所謂

隨所應見加減者治變氣之法也戴人所謂看與何
年同氣求治法者亦治變氣之法也能將二公之法
擴充行之則內經運氣之本義燦然矣夫內經論運
氣有常氣有變氣常氣者有定紀如某年屬某氣司
天當寒某年屬某氣司天當熱是也變氣者無定紀
如某年屬某氣司天當寒反熱當熱反寒是也王氏
註文釋以經無定紀之變氣作有定紀之常氣使後
學皆以年歲占運氣而其應者十無一二是以人莫
之信而其道湮晦久矣二公生數千百年之後復啟
其端而續之與程朱續孔孟不傳之緒同功也今僕

謹於海藏逐年司天加藥之後伸餘歲變常之義同志者幸究心焉

白朮湯治內傷冷物外感風寒有汗者

白朮

參兩

防風

貳兩

甘草

壹兩

右咬咀每服五錢水一盞薑三片煎至七分溫服一日止一二服待二三日漸漸汗少為解

又白朮湯治傷寒上解三陽下安太陰

白朮

如汗之改用蒼朮

防風

各貳兩

每服五錢水煎七分溫服用後方加減 若發熱引飲加黃芩甘草 頭疼惡風者加羌活散三錢羌活

一兩半川芎七錢細辛二錢半去蘆 若身熱目痛者

加石膏湯四錢石膏二兩知母半兩白芷七錢 腹

中痛加芍藥湯三錢芍藥二兩桂枝半兩 往來寒

熱而嘔者加柴胡散三錢柴胡一兩半夏半兩 心

下痞加枳實一錢 若有裏證加大黃一錢次二錢

又次三錢邪去止之

潔古云有汗不得服麻黃無汗不得服桂枝若未瘥則

其變不可勝言故立此法使不犯三陽禁忌解表神方

九味羌活湯

陶尚文註云不問四時但有頭疼骨節痛發熱惡寒無汗脈浮緊者宜用此湯以代

麻黃為穩當如頭疼發熱惡風自汗脈浮緩者宜用加減中和湯即羌活湯中減蒼朮細辛加白朮黃芪

也是

羌活

壹兩半治太陽肢骨痛君主之藥也然非無為之主乃撥亂反正之君也故大無不通小無不入關節痛者非此不除

防風

壹兩半治一身盡痛乃卒伍卑賤之下職聽君命將令而行隨所使所引而至

蒼朮

壹兩半雄壯上行之藥能除濕下安太陰使邪氣不內傳之於足太陰脾

細辛

半兩治足少陰腎苦頭痛

川芎

壹兩治厥陰頭痛在腦

白芷

壹兩治陽明頭痛在額

生地黄

壹兩治少陰心熱在內

黃芩

壹兩治太陰肺熱在胃

甘草

壹兩能緩裏急調和諸藥故有國老之稱

已上九味雖為一方然亦不可執當視其經絡前後

左右之不同從其多少大小輕重之不一增損用之

其效如神咬咀水煎服若急欲汗者須熱服以熱湯

助之若緩欲汗者溫服不用湯助也 脈浮而不解

者先急後緩脈沉而不解者先緩後急 此湯不獨

解利治雜病亦神中風行經者加附子中風祕澀者

加大黃中風并三氣合而成痺等證各隨十二經上

下內外寒熱溫涼四時六氣加減補瀉用之煉蜜作

丸亦可 加生地黄各半治兩感傷寒如神用豆淋

酒煎治破傷風

解表雜方

和解散劑和

治四時傷寒頭痛煩躁自汗咳嗽吐利胃

桔加葉

陳皮洗

厚朴去麤皮薑汁炙各肆兩

藁本

桔梗

甘草各半斤

蒼朮去皮壹斤

右為麤末每服三錢水一盞半薑三片棗二箇煎七

分不拘時熱服

十味芎蘇散澹寮

芎芷香蘇散亦名

治四時傷寒發熱頭痛

川芎半錢

紫蘇葉

乾葛

柴胡

茯苓各半兩

半夏陸錢

陳皮叁錢半

枳殼炒叁錢

桔梗貳錢半

甘草貳錢

右咬咀 每服三錢水一盞薑三片棗一枚煎七分

溫服無時

養胃湯劑和

治外感風寒內傷生冷憎寒壯熱頭目昏

疼不問風寒二證夾食停痰俱能治之但感風邪以

微汗為好

半夏湯洗七次

厚朴去麤皮薑汁炒

蒼朮米泔浸一宿洗切炒各壹兩

橘紅半錢半

藿香葉洗去土

草果去皮膜

茯苓去黑皮

人參去蘆各半兩

炙甘草貳錢半

右咬咀每服四錢水一盞半薑七片烏梅一箇煎六

傷寒發熱 物之二

分熱服兼治飲食傷脾發為痰瘧寒多者加附子為十味名不換金散

五積散和劑 治陰經傷寒脾胃不和及感寒邪

白芷 川芎 炙甘草

茯苓去皮 當歸去蘆 肉桂去麤皮

芍藥 半夏湯洗柒次各參兩 陳皮去白

枳殼去瓢麩炒 麻黃去根節各陸兩 乾薑燼

厚朴去麤皮薑制各肆兩 蒼朮米泔浸去皮貳拾肆兩

桔梗去蘆拾貳兩

右除肉桂枳殼二味別為麤末將一十三味慢火炒

令色轉攤冷次入枳桂令勻每服三錢水一盞半薑

三片葱白三段煎一鍾不拘時熱服胃寒用煨薑挾

氣加茱萸調經催生入艾醋服 若脾胃不和內傷

冷物渾身疼痛頭昏無力胃膈不利飲食不下氣脈

不和四肢覺冷或睡裡虛驚至晚心躁困倦即入鹽

少許同煎 若陰經傷寒手足逆冷及虛汗不止脈

細疾面青而嘔更宜加附子同煎加減多少並在臨

時消息之

海麻桂芍藥甘草即麻黃桂枝各半湯也蒼朮甘草

陳皮厚朴即平胃也枳桔陳茯苓半夏等湯

也加芎歸治血又加乾薑為厚朴散此數藥相合為
解表溫中之劑消痞調經之方雖為內寒外感表裏
之分所制實非仲景表裏麻黃桂枝薑附之的方也
惟在活法者變而通之

人參敗毒敗劑和治傷寒頭痛壯熱惡寒及風痰咳嗽
鼻塞聲重風濕身腫體痛惡風疫癘四時通用傷風
有汗夏至後用

羌活

獨活

前胡

柴胡

芎藭

枳殼

白茯苓

桔梗

人參已上各
壹兩

甘草半兩

右為末每服三錢水一盞生薑三片薄荷少許同煎
至七分去滓溫服

參蘇飲元戎

治內外感一切發熱主藥又云前胡葛根

自能解肌枳殼陳皮自能寬膈大治中焦滿痞凡有
熱不得拘其所見小兒室女尤宜服之

木香半兩

紫蘇葉

乾葛

半夏

湯洗七次
薑汁炒

前胡去苗

人參去蘆

茯苓

去皮各
半錢半

枳殼去瓢
麩炒

桔梗去蘆

甘草炙

陳皮

去白
各半兩

右吹咀每服四錢水一盞半生薑七片棗一枚煎不
拘時稍熱服 若素有痰者候熱退以二陳六君子
湯間服

右方治痰飲停積中脘閉塞眩暈嘈煩忪悸嘔逆及痰飲
中人停留關節手脚躓曳口眼喎斜半身不遂食已
則嘔頭疼發熱狀如傷寒者悉治之 一法用此藥
三兩加四物湯貳兩合和名茯苓補心湯大治男子
婦人虛勞發熱或五心煩熱并衄血吐血便血及婦
人下血過多致虛熱者並宜服之或因用心太過發
虛熱者及往來寒熱者用之神効

加味香蘇散

按

香附子

叁兩

紫蘇

梗

貳兩

陳皮

壹兩

甘草

半兩

右為剉散每服四錢水一盞半煎一盞生薑三片連

根葱白二莖同煎熱服

頭痛加川芎白芷 牙痛如斧劈加石膏連鬚葱頭

偏正頭風加細辛 骨節薄荷 太陽穴痛加荆芥

穗石膏 傷風自汗加桂枝 傷寒無汗加麻黃

乾薑 傷風惡寒加荅朮 傷風咳嗽不止加半夏

杏仁去皮 傷風胸膈痞塞加製枳殼 傷風發熱

傷風發熱

傷風發熱

傷風發熱

不退加漳柴胡黃芩 傷風鼻塞聲重咽鬲不和加
苦梗旋覆花 傷風痰涎壅盛加白附子天南星
傷風鼻內出血加茅朮 傷風氣促不安加大腹皮
桑白皮 傷風鼻塞不通頭昏加羌活荆芥 傷風
不散吐血不時加生地黄 傷風不解耳內出膿疼
痛加羌活荆芥 傷風不解咽喉腫痛加苦梗 傷
風中脘寒不思飲食加去白青皮枳殼 傷風嘔吐
惡心不止加丁香半夏 傷風頭暈眼花顛倒支持
不住加熟附子 傷風時作寒慄加桂枝 傷風痰
壅嘔惡不止加白附子旋覆花半夏 傷風後時時

作虛熱不退加人參 傷風飲食不能消化加縮砂
仁青皮 傷風一向不解作潮熱白日至日中不退
日日如是加地骨皮漳柴胡人參菴藷 初感風頭
痛作熱鼻塞聲重加羌活川芎 感風腰疼不能伸
屈加官桂桑仁 感風渾身痛不止加赤芍藥紫金
皮 感風頸項強急不能轉頭加羌活官桂 腹肚
疼痛加木香 腹肚疼刺不可忍加薑黃茺莢七粒
小腹疼痛無時不可忍加木香薑棗 婦人忽然
大便痛腫不能下地加木香木瓜茺莢 婦人被氣
所苦胸鬲痞疼脅肋刺痛小便急疼加木香枳殼

婦人被氣疼所苦加木香縮砂仁 脾胃不和中脘
不快加穀芽神曲 傷食吐嘔泄瀉腹痛加乾薑木
香 心卒痛者加延胡索酒一盞 飲酒太過忽遍
身發疸或兩目昏黃加山茵陳山梔子 中酒吐惡
加烏梅丁香 婦人經水將行先作寒熱加蘇木紅
花 婦人產後作虛熱不退煩渴加人參地黃 產
後發熱不退加人參黃芪 產後腰疼不已加當歸
官桂冷嗽不已加乾薑 五味子杏仁 脾寒加良薑
青皮草果 脚氣加木香 呆瓜牛膝紫金皮茱萸川
練子 感風寒發熱頭疼 加不換金正氣散 感寒

頭痛壯熱惡寒身痛不能轉動加生料五積散○飲
食不下欲吐不吐加丁香與蘿蔔子○感寒頭痛發
熱身疼分陰陽加敗毒石膏○婦人產後風脚手疼
痛生料五積散人參敗毒散加木瓜不換金正氣散
加生地黃川芎同煎
十神湯和劑 治時令不正瘟疫妄行感冒發熱或欲出
疹此藥不問陰陽兩感風寒並宜服之

- | | | | |
|-----|----|----|--------------------|
| 川芎 | 甘草 | 麻黃 | <small>去根節</small> |
| 乾葛 | 紫蘇 | 升麻 | |
| 赤芍藥 | 白芷 | 陳皮 | |

傷寒發熱 失之二

香附子 各等分

右咬咀每服五錢薑葱煎如頭痛甚更加葱白三莖中滿氣實加枳殼煎並熱服

吳此湯用升麻葛根能解利陽明經瘟疫時氣發散之藥也非正傷寒之藥若太陽經傷寒發熱用之則引邪入陽明經傳變發癩矣慎之

藿香正氣散 和劑 治傷寒頭痛憎寒壯熱或感濕氣霍亂

吐瀉常服除山嵐瘴氣伏暑吐瀉脚轉筋加香薷扁

豆黃連名藿藿湯

大腹皮

白芷

茯苓 去皮

紫蘇莖葉

藿香 各參兩

厚朴 去蘆皮薑製

白朮

陳皮 去白

苦梗

半夏麴 各貳兩

甘草 炙壹兩

右咬咀每服三錢薑三片棗一枚煎熱服

吳此方宋人所製治內傷飲食外感寒邪憎寒拘急頭痛嘔逆胃膈滿悶與夫傷食傷冷傷濕中暑霍亂山嵐瘴氣不伏水土寒熱作瘧並宜增損用之非正傷寒之藥若病在太陽經頭疼發熱骨節痛者此方全無相干如妄用之先虛正氣逆其經絡雖出汗亦不解變成壞證者多矣凡傷寒發熱沉與元氣虛

人并夾陰傷寒發熱者皆不可用切宜戒之

大白木湯命保 和解四時傷寒混解六經不犯禁忌

白朮 各貳兩 防風

羌活 各壹兩 甘草 伍錢或壹兩

黃芩 去剝 各伍錢 枳實 去剝 各伍錢 知母 各伍錢

白芷 壹兩半 細辛 叁錢

右為麤末每服半兩水一盞半煎至一盞大温服未
解更一服兩服藥祖又作一服 春倍防風羌活夏
倍黃芩知母季夏雨淫倍朮白芷秋加桂枝五錢冬
加桂八錢或一兩

右以上諸方皆為元氣不虛者設也如芎蘇香蘇散
則內傷少而外感多者宜之和解散養胃湯則外感
少而內傷多者宜之五積散則寒多者宜之冬亦宜
之大白木湯則熱多者宜之春夏亦宜之敗毒散則
宜於挾濕者參蘇飲則宜於挾痰者十神正氣則吳氏
之議當矣大抵證兼表裏邪由錯雜似傷寒而非正
傷寒者乃可於諸方中斟酌選用若脉證與麻黃桂
枝膈合自當遵仲景法治之即元氣素虛或平素有
熱不宜麻桂者亦必如潔古海藏法緩緩消滅庶無
誤爾人命至重死不復生臨病之工宜詳審焉

傷寒論卷之五
戴院使元禮治法傷風傷寒初得病時並宜和解散
芎芷香蘇散或養胃湯加草芎各半錢熱服溫覆若
的是傷風有前自汗惡風等證可用桂枝湯令其熱
服溫覆喘加杏仁一錢咳加五味子一錢渴加人參
半錢外熱未止者敗毒散熱而有汗者敗毒散加桂
枝半錢或陽日湯嘔者不宜用桂枝湯合於本方加
半夏一錢添薑煎此非合病之嘔係傷寒雜病即非
正寒故可用也風寒二證理當發汗而其人虛不可
汗者宜桂枝湯加黃芪半錢若的是傷寒有前惡寒
無汗等證可用五積散厚被覆之取汗喘嗽者杏子

湯加麻黃半錢欲汗而不得汗者再進已汗而身熱
不退者參蘇飲或敗毒散加桂枝半錢嘔者養胃湯
此非治合病之嘔若風寒俱傷或惡風而無汗或惡
寒而無汗疑似之間只宜五積散半貼加敗毒散半
貼名交加散喘嗽者小青龍湯有初得病太陽證具
但寒而未即為熱至一二日後方熱此傷於寒若傷
風即有熱矣但寒未熱者五積散發汗有已服解表
藥不惡風不惡寒諸表證已罷於裏又未躁未渴小
便亦未赤大便如常獨身熱未除者宜香蘇散敗毒
散小柴胡湯加桂枝半錢有已服解表藥證已罷又

傷寒發熱 卷之二
無裏證其人體痛不減者恐是發汗多榮衛不和所致宜小建中湯用半厚半薄之桂

河間劉氏治法傷寒表實無汗頭項痛腰脊強身熱惡寒肩背拘急手足指末微厥脈浮緊而濇當以清解散加天水散汗之傷風表虛自汗頭項強痛肢節煩疼鼻鳴乾嘔惡風手足溫脈浮緩當以通解散或天水散解之或表虛或表實但口乾煩渴者悉宜雙解散汗之汗後餘熱不解以涼膈散退之或日深或日淺但有表證而脈沉數者先以天水連翹飲子清之待脈浮而裏熱減然後以雙解散汗之傷寒表不

解脈浮小便不利微熱口乾五苓散分之表熱多裏熱少益元一涼膈半和解之裏熱多表熱少涼膈一益元半調之若表裡俱熱頭痛口乾自汗不止白虎湯治之或半在表半在裏往來寒熱口苦舌乾耳聾乾嘔胃脇痞痛小柴胡湯和解之或膈熱嘔吐不止者半夏橘皮湯治之或飲水不止以成濕熱大便泄瀉小便赤澀腹滿急痛頭痛口乾者桂苓甘露飲主之或濕熱內餘而成下痢頻併少腹而痛者黃連解毒湯治之傷寒日深表裏熱勢極甚心下急鬱微煩或發熱汗出不解心下痞鞭嘔吐下利或陽明病多

傷寒論卷之二十一
汗或太陰腹滿實痛或少陰下利清水心下痛而口
乾或無表裏證但發熱七八日脉雖浮數宜雙除表
裏之熱大柴胡湯微下之或加小承氣湯尤妙傷寒
日深裏熱極甚日晡潮熱譫言妄語發狂腹滿實痛
法當大承氣湯下之或用三一承氣湯尤良

右戴氏用藥偏熱劉氏用藥偏寒於世運風土稟質
感受各有所宜臨病者詳審而酌施之方許親見長
沙耳劉氏所用諸方前條無之今列于後

通聖散輕劑治風熱鬱結憎寒發熱筋脉攣痺肢體焦痿
頭目昏眩耳鳴鼻塞口苦舌乾咽喉不利涕唾稠粘

咳嗽上氣腸胃燥澀便血瘀血瘡瘍腫痛痰瘧不痊
婦人產後血滯腹痛小兒驚風積熱并墜馬跌仆疼
痛或傷寒傷風等證並皆治之

防風

芒硝

連翹

川芎

麻黃

薄荷

白芍藥

當歸

大黃

黃芩

桔梗

石膏

甘草

荆芥

山梔

白朮

滑石

右咬咀每服一兩或二兩水二盞生薑三片同煎七

分去滓溫服不拘時如發散風寒加葱白三莖如治
痰嗽每服加半夏少許

涼膈散

清劑

治心火上盛膈熱有餘目赤頭眩口瘡唇裂

鼻衄吐血欬嗽痰涎淋閉不利大小便不通或傷寒
半表半裏及胃熱發癍及陰耗陽竭用以養陰退陽
或汗下後餘熱不解并小兒瘡痘黑陷並皆治之

連翹

壹兩

甘草

山梔

黃芩

大黃

薄荷

各五錢

朴硝

貳錢半

右為咬咀每服一兩水一鍾竹葉三十片同煎七分

去滓入生蜜少許食後溫服加黃連五錢名清心湯

天水散

淡劑

治傷寒表裡俱熱煩渴口乾小便不通及霍

亂吐瀉下利腸癖偏主石淋及婦人產難催生下乳
神仙之妙藥也

桂府滑石

膩白者陸兩

粉草

壹兩

右為極細末每服三錢白湯調下新汲水亦得加

薄荷末少許名鷄蘇散加青黛末少許名碧玉散治

療竝同但以避世俗之輕侮爾

三一承氣湯

治傷寒大承氣湯證腹滿實痛調胃承

氣證譫語下利小承氣湯證內熱不便三乙承氣湯

合而為一也及治中風僵仆風癩發作並皆服之此
下劑也

大黃

芒硝

厚朴

枳實

各壹兩

甘草

伍錢宣明論方甘草倍于四味

右咬咀分作三服每服水二盞生薑二片同煎七分
去粗溫服不拘時候以利為度

雙解散

治傷寒傷風或有汗或無汗表證悉具內熱

口乾

通聖

天水

各壹半

右為咬咀每服二兩水一大鍾生薑二片葱白三根

同煎七分去滓微熱服以取其汗

清解散

治一切感冒

蒼朮

炒

荊芥

各貳兩

甘草

壹兩

麻黃

壹兩半

右四味咬咀每服一兩水二鍾生薑二片葱白一莖

同煎七分去滓微熱服以被蓋覆取汗為度

半夏橘皮湯

治一切嘔吐不止

人參

白朮

白茯苓

甘草

黃芩

半夏

厚朴

藿香葉

葛根

橘皮

各等分

右為咬咀每服一兩水一碗煎七分去滓入生薑自

然汁少許溫服不拘時

○補養兼發散例

丹溪云有卒中天地之寒氣者有口食生冷之物者故傷寒為病必身犯寒氣口食寒物者是以從補中益氣湯加發散藥屬內傷者十居八九其法邪之所湊其氣必虛只用補中益氣湯中從所見之證出入加減氣虛甚者少用附子以行參朮之氣補中益氣湯方見雜病勞倦門內傷之病專主東垣內外傷辨甚詳世之病此者為多但有挾痰挾外邪者鬱熱於內而發者皆以補元氣為主宜看其所挾而兼用藥 一男子素

嗜酒因暴風寒衣薄遂覺倦怠不思飲食半日至睡後大發遍身疼痛如被杖微惡寒天明診之六脈浮大按之豁然左為甚予作極虛受風寒治之人參為君黃芪白朮歸身為臣蒼朮甘草木通乾葛為佐使大劑與之至五貼後通身汗如雨凡三易被得睡覺來諸恙悉除 盧兄年四十九歲自來大便下血脈來沉遲瀆面黃神倦者二年矣九月間因勞倦發熱自服參蘇飲二貼熱退早起小勞遇寒兩手背與面紫黑昏什少時却醒身大熱妄語口乾身痛至不可眠脈之三部不調微帶數重取虛豁左手大於右手

傷寒發熱
以人參二錢半帶節麻黃黃芪各一錢白朮二錢當
歸五分與三五貼得睡醒來大汗如雨卽安兩日後
再發脇痛欬嗽若睡時嗽不作而妄語且微惡寒診
其脉似前而左略帶緊予曰此體虛再感寒也再以
前藥加半夏茯苓至十餘貼再得大汗而安後身倦
不可久坐不思飲食用補中益氣去涼藥加神麴半
夏砂仁五七十貼而安 杭州葉君章臘月因齋素
中飢而冒寒作勞遂患發熱頭痛醫與小柴胡湯遂
自汗神昏耳聾目不見物予診其脉大如指似有力
熱不退與人參黃芪白朮熟附子炙甘草作大劑服

之一日而汗少二日而熱減半耳微有聞目能視物
初用藥至四貼前藥中加蒼朮與兩服再得汗而熱
除本日遂去蒼朮附子又與前藥作小劑服三日而
安 呂仲修年六十六歲正月間因忍饑冒寒作勞
頭痛惡寒發熱骨節皆疼無汗至次日妄語熱愈甚
而妄語時止時作熱亦不爲十分自服參蘇飲兩貼
汗不出又再進一服以衣覆取汗大出而熱不退至
第四日予診其脉兩手皆洪數而右爲甚此因飢而
胃寒加之作勞陽明經雖受寒氣不可攻擊宜急以
大劑補之以回其虛俟胃氣充實自能出汗而解遂

以參芪白朮歸身陳皮炙甘草每貼加熟附子一片
一晝夜服五貼至第三日口稍乾言語有次諸證雖
解而熱未退遂去附子加白芍又兩日思食却作肉
羹間與之又三日精神全二日許自汗出而熱退診
其脉不數洪脉却尚有些洪脉作大脉論年高而誤
汗此後必有虛證見又與前藥至次日言我大便自
病來不曾更衣今穀道逼痛虛坐努責狀如不堪醫
者必欲投大黃巴豆等劑予謂大便非實祕爲是氣
因誤汗而虛不得充腹無力可努仍與前補藥以肉
粥及菘蓉與之一日半煎濃葱椒湯浸下體下大便

軟塊者五六枚診其脉仍舊大未斂此因氣血未得
回復又與前藥兩貼經兩日小便不通少腹下妨悶
頗爲所苦但仰卧則點滴而出予曰補藥服之未盡
於前藥內倍加參芪大劑服兩日小便方利而安
汪機治一人年三十餘因冒寒發熱醫用發表不瘳
繼用小柴胡熱熾汗多遂昏昏憤憤不知身之所在
卧則如雲之停空行則如風之飄毛兼有消穀善饑
夢遺諸證觀其形類肥者曰此內火燔灼而然虛極
矣診其脉皆浮洪如指曰脉經云脉不爲汗衰者死
在法不治所幸者脉雖大按之不鼓形雖長而色尚

傷寒發熱
卷之二
五十一
蒼可救也醫以外感治之所謂虛其虛誤矣經云邪之所湊其氣必虛宜以內傷為重遂用參芪歸朮大劑少加桂附服十餘貼病減十之二三再減桂附加芍藥黃芩服十餘貼病者始知身卧于牀足履于地喜曰可不死矣服久果起

薛院使已治一人年七十九仲冬將出少妾入房致頭痛發熱眩暈喘急痰涎壅盛小便頻數口乾引飲徧舌生刺縮斂如荔枝然下唇黑裂面目俱赤煩躁不寐或時喉間如烟火上衝急飲涼茶少解已瀕於死脉洪大而無倫且有力捫其身烙手此腎經虛火

遊行於外投以十全大補加山茱萸澤瀉丹皮山藥麥門五味附子一鍾熟寐良久脉證各減三四再與八味丸服之諸證悉退後畏冷物而痊

本事方黃芪建中加當歸湯 治發熱頭疼脉浮數而

尺中遲弱者宜先服此藥補血却與麻黃桂枝輩

黃芪

當歸

白芍藥

桂枝

甘草

各壹兩
兩半

右咬咀每服伍錢薑三片棗一枚水煎日三夜二服如脉尚沉遲再進一服

海黃芪湯治傷寒兩感拘急二焦氣虛自汗及手足汗

傷寒發熱 暢之一
出或手背偏多或肢體振搖腰腿沉重面赤目紅但欲
睡眠頭面壯熱兩脇熱甚手足自溫兩手心熱自利不
渴大便或難或如常度或口乾咽燥或渴欲飲湯不欲
飲水或少欲飲水嘔噦間作心下滿悶腹中疼痛或時
喜笑或時悲哭或時太息或時語言錯亂疑作譫語狂
言者非也神不守舍耳始得病于寤寐之間或恐悸頭
項不甚痛行步只如舊此陰盛陽虛之故也兩手脈浮
沉不一或左或右往來不定有沉瀆弱微弦五種陰脈
形狀按之全無力浮之損小沉之亦損小皆陰脈也宜
先緩而後急緩宜用黃芪湯

黃芪湯方

人參

生薑

黃芩

白茯苓

白朮

白芍藥

各壹兩

甘草

柒錢

嘔者加藿香陳皮各伍錢甚者加乾薑炮壹錢

右咬咀水煎量證加減多少用之 如大便秘結者

調中丸主之

調中丸方

人參

白朮

白茯苓

乾薑

甘草

各等分

右為末煉蜜丸每兩作十九或五丸每服一二丸水

傷寒論
少許煎服若病急者黃芪湯每服加乾薑一錢大便結者理中丸王之

理中丸方

人參

白朮

乾薑 炮恐熱以生薑代之

甘草 炙

右等分為末煉蜜丸每兩作五丸白湯化下先緩後急也若尤急者無汗宜附子乾薑甘草湯若自汗者宜白朮附子甘草湯量脈證可於四逆湯或真武湯或通脈四逆湯選用之

丹絜矩新書謂有雜合邪者當以雜合法治之譬如

惡寒發熱得之感冒明是外合之邪已得浮數之脈而氣口又緊盛明為食所傷病者又倦怠脈重按俱有豁意而胸膈痞滿間引兩脇其脈輕取又似乎弦此又平昔多怒肝邪之所為也細取左尺大細沉弱此又平時房勞之過也治法宜以感冒一節且放後先視其形色強弱厚薄且以補中化食行滯清涼胃火而以薑辣行之則中氣稍回傷滯稍行津液得和通體得汗外感之邪自解醫者不肯詳審求之只顧表散外邪又不推究兼見之邪脈亦不窮問所得之病因與性情之執者巧施雜合治法將見正氣自虛

傷寒發熱
邪氣愈固皆拙工之過也

妻此篇集丹溪海藏諸賢治傷寒皆以補養兼發散之法實本經成敗倚伏生於動動而不已則變作及風雨寒熱不得虛邪不能獨傷人之旨也蓋凡外傷風寒者皆先因動作煩勞不已而內傷體虛然後外邪得入故一家之中有病者有不病者由體虛則邪入而病體不虛則邪無隙可入而不病也是故傷寒為病屬內傷者十居八九後學無知舉世皆謂傷寒無補法但見發熱不分虛實一例汗下而致天橫者滔滔皆是此實醫門之罪人也今集此法於仲景之後

其應如響使人遵之不犯虛虛實實之戒也

右綱目之文余見世醫泥於傷寒無補法多犯虛虛之戒故備述之而刪其純內傷者及丹溪醫按之庸蕪者又增近代二醫按以為虛人感寒之活例云爾神而明之存乎其人不可泥也余嘗治一刻字工人新婚冬月冒寒表證悉具令人參紫蘇莖葉各一兩煎湯飲之汗出而愈一孕婦春夏之交患溫病頭痛發熱不惡寒而渴未及療治胎墮去血無筭昏眩欲絕余令以麥門冬勛許入淡竹葉香豉頻頻飲之亦汗出而愈蓋用勞復法治之得此活法則於

傷寒論卷之二十一
治是病庶幾可十全矣

○韓祗和氏和解因時法

傷寒病有可汗者論中但統言其可汗證及可汗脉或云脉浮而數或云脉浮緊或云脉浮無汗而喘或云脉浮為在表今略舉數條後人但憑其脉之大槩並不分脉浮有陰陽虛盛之理又不知有可汗不可汗之證誤投發表藥則多變成陽毒之患矣今舉病人有汗惡風無汗惡寒分二等及據立春已後立秋已前氣候輕重各立方治之庶學者易為開悟耳

一病人二三月已前兩手脉浮數或緩或緊按之差軟

寸關尺若力齊等其力不甚大不甚小者亦未可使投解表藥此是見裏證未見表脉也宜候寸脉力小如關尺即可投解表藥大抵治傷寒病見證不見脉未可投藥見脉未見證雖少投藥亦無害也凡治雜病以證為先脉為後治傷寒病以脉為先證為後一病人兩手脉浮數而緊名曰傷寒若關前寸脉力小關後尺脉力大雖不惡風不自汗出此乃陰氣已盛先見於脉也若不投藥和之後必惡風及自汗出若立春已後至清明已前宜調脉湯主之清明已後至芒種已前宜葛根柴胡湯主之芒種已後至立秋已

前宜人參桔梗湯主之

調脉湯方

葛根壹兩

前胡去苗

防風各柒錢半

甘草炙半兩

為麤末每服五錢水一盞生薑一塊如小指大劈破煎七分去滓温服如寸脉依前力小加棗三枚同煎

葛根柴胡湯

葛根壹兩半

柴胡去蘆壹兩

芍藥

桔梗

甘草炙各柒錢半

厚朴半兩

右吹咀每服五錢水一盞生薑二片煎至七分去滓熱服如寸脉依前力小加葱白二寸同煎服

人參桔梗湯

人參

桔梗各柒錢半

麻黃去節壹兩

石膏叁兩

甘草炙柒錢半

右每服五錢水一盞荆芥五穗同煎至七分去滓熱服如寸脉依前力小加麻黃二分去節同煎服

一病人兩手脉浮數而緩名曰中風若寸脉力小尺脉力大雖不惡風不自汗此乃陰氣已盛先見於脉若不投藥和之後必惡風自汗出若立春已後清明已前宜薄荷湯主之清明已後芒種已前宜防風湯主之芒種已後至立秋已前宜香薷湯主之

薄荷湯

薄荷 壹兩

葛根

人參

甘草 炙各半

防風 去蘆 貳兩

右咬咀每服五錢水一盞煎至七分去滓熱服如三五服寸脉力尚小加薄荷二分同煎

防風湯

防風 去蘆 壹兩

桔梗 叁錢

甘草 炙

旋覆花 各半

厚朴 叁分

右咬咀每服五錢水二盞薑一塊同煎熱服如三五服寸脉力尚小加荆芥穗五七莖同煎

香芎湯

川芎 貳錢半

石膏 貳兩

升麻 叁兩

甘草 炙

厚朴 製各半兩

右咬咀每服五錢水二盞煎七分温服如三五服後寸脉力尚小加細辛二分同煎

前二段文將中風傷寒各立法者何蓋謂病人始得病三日已前或因中風脉緩或因傷寒脉緊然脉雖先見而證猶未見尚可以藥解之故立方耳
一病人兩手脉浮數或緊緩寸脉短反力小於關尺脉者此名陰盛陽虛也若自汗出惡風是邪氣在表陰

氣有餘也素問云陰氣有餘為多汗身寒即可投消
陰助陽表劑以治之若立春已後清明已前宜六物
麻黃湯主之清明已後芒種已前宜七物柴胡湯主
之芒種已後立秋已前宜發表湯主之

六物麻黃湯

麻黃 去節 壹兩

葛根

蒼朮 各柒錢半

人參

甘草 炙各 半兩

右咬咀每服五錢水一盞棗二枚煎七分熱服如三
五服後汗未止惡風者加荆芥七錢三五服後不惡
風猶汗者加丁香皮半兩

七物柴胡湯

柴胡

蒼朮 各貳兩

荆芥

麻黃 各壹兩

甘草 炙柒錢

右咬咀每服五錢水一盞薑一塊棗二枚同煎七分
熱服如三五服後汗未止惡風者入葱白三寸如三
五服後汗未止加當歸一兩同煎

發表湯

麻黃 去節 壹兩

蒼朮 貳兩

人參

當歸 各半兩

炙甘草

丁香皮 各柒錢半

右咬咀每服五錢水一盞入薑一塊棗二枚同煎至

傷寒發熱 卷之二
七分去滓熱服如三五服汗未止猶惡風者加桂枝
七錢如汗未止更加細辛半兩以汗止為度
一病人脈浮數或緊或緩其脈上出魚際寸脈大於關
尺者此名陽盛陰虛也若發胃悶口燥咽乾者乃是
邪氣在表陽氣獨有餘也素問曰陽氣有餘為身熱
無汗是也可投消陽助陰藥以解表若立春已後至
清明已前宜人參湯主之清明已後至芒種已前宜
前胡湯主之芒種已後至立秋已前宜石膏湯主之
人參湯

人參

半兩

柴胡

壹兩

芍藥

炙甘草

各柒錢半

石膏

貳兩

右咬咀每服五錢水一盞薑一塊煎七分熱服如三
五服後熱不解者入豉三十粒同煎服

前胡湯

前胡

壹兩

石膏

貳兩

甘艸

炙半兩

桔梗

豉

各柒錢半

右每服五錢水一盞薑五片煎七分去滓熱服如三
五服熱尚未解加豉三十粒煎再服

石膏湯

石膏

叁兩

芍藥

柴胡

各壹兩

傷寒發熱

卷之二

升麻

黃芩

炙甘草

各半錢半

右咬咀每服五錢水一盞半豉一合煎八分熱服如三五服後熱未解者加知母一兩又未解加大黃一兩

一病人兩手脈浮數或緊或緩三部俱有力無汗惡風者此是陰陽氣俱有餘素問曰陰陽有餘則無汗而寒是也可用藥平之若立春已後至清明已前宜解肌湯主之清明已後至芒種已前宜芍藥湯主之芒種已後至立秋已前宜知母湯主之

解肌湯

石膏

貳兩

麻黃

去節柒錢半

甘草

升麻

各半兩

右咬咀每服五錢水一盞入豉半合煎至八分去滓熱服如三五服後猶惡風者加麻黃半兩石膏一兩

芍藥湯

甘草

炙半兩

芍藥

壹兩

石膏

叁兩

荆芥穗

壹兩

右咬咀每服五錢水一盞生薑一塊煎至七分去滓熱服如三五服後猶惡風者每服加生薑一塊同煎服

傷寒發熱

卷之二

六

知母湯

知母 壹兩

石膏 貳兩

麻黃

升麻

各壹兩

炙甘草

半兩

右咬咀每服五錢水一盞入生薑一塊同煎至七分去滓溫服如三五服後猶惡風者加麻黃升麻各半兩

前三段文將中風傷寒一法治者因病人始得病後脈證俱見若投解劑必不能愈故立前方同法治之○仲景云傷寒為病脈緩者為中風脈緊者名傷寒今分此二端何也始因冬寒毒之氣中人其內伏之陽

沉潛于骨髓之內每至春夏發時或因外傷寒而引內邪出或因外傷風而引內邪出及乎內邪既出而為病一也古人云立此二端恐後人疑其緊脈與緩脈治別也若中風與傷寒脈異何故仲景無別法治之此乃後人不究仲景之心也病人始得病一二日至五六月尚有表脈及表證亦可依脈證投藥凡投解表及發表藥每一日可飲三服病證甚可至五服外不可頓服藥也如證未解次日依前再投如證依前未解可作熱粥投之粥內加葱白亦可如有汗出勿厚衣蓋覆恐汗出太過作亡陽證也

傷寒論卷之二十一

卷之二十一

海藏云韓氏微旨可汗一篇有和解因時法言傷寒之脉頭小尾大傷風之脉頭大尾小李思訓保命新書亦分尺寸與仲景同之非若前人總言尺寸脉俱浮而緊尺寸脉俱浮而緩緊則為傷寒無汗緩則為傷風自汗又有傷寒有汗者傷風無汗者脉亦互差與證不同前人已盡之矣惟韓李所言頭小尾大即為傷寒尾小頭大即為傷風人病間有脉證未顯于尺寸者故韓李述為和解因時法也又恐後人疑其不與前聖合遂於本方內又立加減法數條亦不越前人之意何其當哉蓋二公者當宋全盛之時故又

戒麻黃桂枝不可輕用改用石膏升麻葛根柴胡之平劑當時則可非自代常行之道時世遷移之法也可汗一篇若隨湯液隨證應見自有定規雖明哲不可踰也

又寸口脉小飲冷與霧露所傷同作中焦治今韓李云傷寒寸小者勿認與飲冷霧露同傷一體也飲冷霧露所傷寸口舉按全無是陰氣在胃不和陽氣不能升越也傷寒寸口小者只於關部下至膀胱本部見之寸口雖小只是舉之微小沉得之有也非若飲冷舉按全無也若果寸口舉按全無即不可解表只

傷寒太陽病在表故惡寒少陽半在表半在裏亦微惡寒陽明在裏本不惡寒或惡寒者與太陽合病也

太陽發熱惡寒脉浮

方論見前太陽病發熱明

陽明中風口苦咽乾腹滿微喘發熱惡寒脉浮而緊亦麻黃湯證也 陽明病脉遲汗多微惡寒者表未解亦

桂枝湯證也

三時用代藥如前例

少陽證頭汗出微惡寒小柴胡加桂湯

三陰惟少陰經有惡寒之證太陰厥陰皆不惡寒然少陰惡寒又有二證發於少陰者無熱而惡寒宜溫之屬理中湯四逆湯少陰無熱惡寒似與前太陽經未即熱

一條相似所謂寒未即熱者為太陽證具而未熱耳此之無熱惡寒蓋無太陽頭痛等證知為少陰也

少陰病下利惡寒而蹇四逆湯真武湯小建中湯 若

惡寒而蹇時時自煩欲去衣被者活人用大柴胡湯下

之趙氏以為宜溫散陰邪導引真陽汗而解可也若下

之非惟不能解表反虛其裏使惡寒之邪乘虛內陷縱

使其脉沉滑而實亦未可遽用大柴胡必須先解表使

惡寒證罷而後可用也 少陰病惡寒身蹇而利手逆

冷者不治

無陽故也

少陰四逆惡寒而身蹇脉不至不煩

而躁者死

傷寒惡寒

卷之二

七

外有太陰自利不渴厥陰下利厥逆俱或惡寒太陰宜理中湯厥陰宜四逆湯前既言二陰不惡寒今又言或惡寒要知太陰厥陰皆不惡寒者此陽傳陰者也三陰皆能惡寒者陰入陰者也特在少陰為多耳

惡寒脈微而復利止亡血也四逆加人參湯主之成惡寒脈微而利者陽虛陰勝也利止則津液內竭故云亡血金匱玉函曰水竭則無血與四逆湯溫經助陽加人參生

津液益血

四逆加人參湯方

人參 乾薑 甘草 附子
各壹兩 去皮煨

右咬咀每服五錢水煎溫服日三

發汗病不解反惡寒者虛故也芍藥甘草附子湯主之

成發汗病解則不惡寒發汗病不解表實者亦不惡寒今發汗病且不解又反惡寒者榮衛俱虛也汗出則榮虛惡寒則衛虛與芍藥甘草附子湯以補榮衛

芍藥 炙甘草 附子
各叁兩 壹枚炮去皮破剝片

已上三味以水五升煮取一升伍合去滓分溫服○疑

非仲景意成芍藥之酸收斂津液而益榮附子之辛熱固陽氣而補衛甘草之甘調和辛酸而安正氣

下後復發汗心振寒脈微細者此內外俱虛也當歸四逆湯真武湯

太陽病下後脈促胸滿者桂枝去芍藥湯主之

桂枝去芍藥湯方

桂枝去麋皮

大棗陸枚

生薑切各壹兩 甘草炙壹兩

右咬咀每服五錢水煎溫服

若微惡寒者去芍藥加附子湯主之

前方加附子半箇去皮炮○活人云

芍藥味酸肌促胸滿恐成結胸故去芍藥單用辛甘之味發散毒氣也

傷寒汗下後心下痞而惡寒者表未解也先用桂枝湯

解表用大黃黃連瀉心湯攻痞若痞而汗出惡寒者表

已解也附子瀉心湯主之

方論見痞

背惡寒背負陽抱陰背寒者陽弱也然有陰陽二證少

陰一證以陰寒氣盛不能消耗津液故口中和三陽合

病以陽氣陷入津液為之涸故舌乾口燥以此別之思

過半矣口中和而背惡寒者屬少陰宜附子湯

見欲寐 舌乾口燥內有熱證口中不仁背惡寒者為三陽

合病宜白虎湯見發熱 經云腹滿身重面垢譫語遺尿

口中不仁為三陽合病白虎加人參湯主之見渴 若自汗

者亦用白虎加人參湯 又陽明證背微惡寒無大熱

口中燥渴者亦用白虎加人參湯 中暑亦有背惡寒

證但面垢自汗脈虛而伏詳見雜病中 凡脾胃素虛

之人遇暑月間飲水水或噉生冷寒氣蓄聚陰上乘陽

故寒從背起冷如掌大此當以溫藥主之大順散之類

口中熱欲飲者亦用白朮味甘人參湯 中暑亦有汗惡寒
者亦用白朮味甘人參湯 又用白朮背熱惡寒無大熱
口中不渴者三劑合白朮味甘人參湯主之 苦自升
合麻宜白朮湯 麻黃湯 惡寒重而欲飲者
傷寒舌淡口熱內亦熱者口中不渴背惡寒者
惡寒矣大口中味而背惡寒者少創宜桂枝湯 和胃
惡寒者身自大者惡寒之風外也口熱以出脈之思
宜一蓋以創寒者惡寒不渴者桂枝湯口中味三劑合

惡風

衛氣者所以溫分肉充皮膚肥腠理司開闔者也故風
邪中於衛也則必惡風惡風惡寒俱為表證但惡風比
惡寒為輕耳惡寒者雖不當風而時自怯寒惡風者居
密室之中幃幙之內則無所畏或當風或揮扇則淅淅
然而惡也惡寒則有陰陽之分惡風唯屬陽耳所以三
陰之證並無惡風惡風雖在表而發散又自不同若無
汗惡風則為傷寒當發其汗故用麻黃湯若汗出惡風
則為中風當解其肌故用桂枝湯裏證雖具而惡風未
罷皆當先解其外也

傷寒論卷之二

傷寒惡風

傷寒惡風

發熱惡風為表虛屬太陽病

見發熱太陽病條

發汗後遂汗

漏不止其證似風濕相搏證背惡風汗出小便不利四肢難屈伸但心下不滿者身不痛用桂枝加附子湯

汗

風濕相搏者骨節煩疼掣痛用甘草附子湯

身熱惡風項強脇滿手足溫而渴者用麻黃湯

痛

輒不當履

風惡風惡寒身

頭痛

傷寒頭痛雖屬三陽惟太陽經獨多蓋太陽為病屬表而頭痛專為主表雖有傷寒六七日頭痛不大便有熱而與承氣湯下之者却云若小便清者知熱不在裏仍在表是知頭痛屬表明矣太陰少陰一經之脈從足至胸而還不上循頭故無頭痛惟厥陰脈循喉嚨之後上連目系與督脈會於巔亦有頭痛乾嘔吐涎沫吳茱萸湯一證却無身熱亦與陽證不同也然風溫病在少陰濕溫病在太陰而頭反痛至於陰毒亦然是又不可拘拘為者內因頭痛作止有時外因頭痛常常有之直須

傳入裏方罷

發熱頭痛惡風屬太陽

方論見太陽病發熱

大便不利六七日

頭痛身熱小便赤者宜承氣湯若小便利者知不在裏

仍在表須發汗若頭痛者必衄宜桂枝湯

論見胃實

服桂

枝湯或下之仍頭項強痛翕翕發熱無心下滿微痛小

便不利者桂枝去桂加茯苓白朮湯

方論見項強

太陽中

風下利嘔逆表解者可攻之其人漦漦汗出發作有時

頭痛心下痞鞅引脇下痛乾嘔短氣汗出不惡寒者表

解裏未和也十棗湯

方論見脇滿痛

張或謂十棗湯與桂枝去桂加茯苓白朮湯二者皆

屬飲家俱有頭項強痛之病何也此經絡所繫非偶

爾而言也針經曰太陽膀胱之脈起于目內眦皆上

額交巔上其支者從巔上至耳上角直者從巔入絡

腦還出別下項循肩膊內俠脊抵腰中入循脊絡腎

屬膀胱上文所絡腎者即三焦也夫三焦者為陽氣

之父決瀆之官引導陰陽開通閉塞水道出以氣化

而言也緣太陽經多血少氣既病則氣愈弱其時表

病而裏熱未甚微渴而恣飲水漿為水多氣弱不能

施化遂停伏于內則本經血氣因而凝滯致有頭痛

項強之患矣若伏飲流行經絡疏利而頭痛自愈矣

傷寒頭痛

病發熱頭痛脈反沉若不瘥身痛當救裏四逆湯

論見發熱

太陽病頭痛至七日已上自愈者以行其經盡故也

若欲作再經者針足陽明使經不傳則愈

傷寒自一日至六日傳三

陽三陰經盡至七日當愈經曰七日太陽病衰頭痛少愈若七日不愈則太陽之邪再傳陽明針足陽明為迎

而奪之使經不傳則愈吳脈浮頭痛太陽也宜刺腕骨京骨又云表證頭疼惡寒發熱刺合谷

陽明身熱頭痛漱水不欲嚥必發衄脈數者犀角地黄

湯茅花湯見鼻陽明病表裏大熱煩渴引飲頭痛如

破者宜竹葉石膏湯陽明頭痛不惡寒反惡熱大便

實調胃承氣湯陽明病反無汗而小便利二三日嘔

而欬手足厥者必苦頭痛若不欬不嘔手足不厥者頭

不痛內經曰巨陽受邪少陰厥也太陽與少陰為合

為裏得熱則從之從之則此證當是太陽未全罷耳

經又曰陽明則喘而噦噦則者寒邪內攻肢厥頭痛者寒

心人小便利外攻也

吳陽明頭痛額前目疼鼻乾脈長也無汗者葛根加

葱白白芷汗之若有汗曾發汗頭痛不解者宜葛

根葱白湯主之若不惡風而反惡熱自汗煩渴脈洪

數飲水頭疼者白虎加白止湯主之若內有燥屎蒸

蒸發熱頭痛者調胃承氣湯主之凡陽明頭痛無汗

者葛根麻黃葱白白芷石膏之屬也有汗則白芷石

膏葛根川芎湯也

傷和傷寒脈弦細頭痛發熱者屬少陽不可發汗汗之則譫

傳與...
語此屬胃胃和則愈胃不和則煩而悸宜小柴胡湯見論

苦口

吳少陽經頭痛頭角或耳中痛脉弦數口苦發熱往來寒熱者並用小柴胡湯和之一方加川芎尤妙蓋川芎亦膽經藥也凡少陽頭痛不分有汗無汗皆以柴胡湯主之非次頭痛及發寒熱脉緊不大即是上膈有痰瓜蒂散吐之

饜

頭痛乾嘔吐涎沫者吳茱萸湯方論見吐活人云厥陰頭

痛為欲愈小建中湯

活若已發汗或未發汗頭痛如破者用連鬚葱白湯

連鬚葱白湯方

葱白

連鬚切半升

生薑

二兩

右以水二升煮取一升分二次溫服再不止者宜服

後方

葛根葱白湯方

葛根

芍藥

知母

各半兩

川芎

葱白

生薑

各壹兩

右以水三升煎至一升服

若非次頭疼胸中滿及發寒熱脉緊而不大者即是膈上有涎宜用瓜蒂末一錢煖水調下吐涎立愈

傷寒...
方論

卷之二

三

傷寒頭痛
雲傷寒汗下後頭痛起目眩者宜獨活湯

防風 獨活 旋覆花 當歸各半錢

右咬咀薑水同煎服

傷寒熱病後頭痛不止者用石膏川芎湯

石膏 川芎各壹兩

右咬咀每服五錢水煎服

海太陽頭痛有汗桂枝湯無汗麻黃湯 陽明頭痛白

虎湯 少陽頭痛小柴胡湯 太陰頭痛脈浮桂枝湯

脈浮理中湯俱加川芎細辛 少陰頭痛小柴胡湯麻

黃附子細辛湯 厥陰頭痛 外傷本經桂枝麻黃各半

而微吐苦水者吳茱萸湯

垣太陰頭痛者必有痰也少陰頭痛者足寒而氣逆也

蓋太陰少陰二經雖不至頭然痰與氣逆壅於膈中則

頭上氣不得暢降而為痛也

雲如脈浮而頭痛過在手足太陽刺完骨京骨 如脈

浮而長過在手足陽明刺合谷衝陽 如脈浮而弦過

在手足少陽刺陽池丘墟風府風池此刺頭痛之法也

集傷寒頭痛刺合谷攢竹

去手足少則陳期虫立鼓風林風出此陳更嚴之去也
 平而昇蠱去手足則陳合谷衝期 攻期而而
 雲或期而取贏蠱去手足太則陳宗骨京骨 攻期
 取土康不辨神利而為謀也
 蓋太則少則二蠱難不至而然寒與餘並擊於國中
 世太則取蠱者必自寒也少則取蠱者必寒而康也
 取蠱而而取蠱者必自寒也少則取蠱者必寒而康也

項強

發熱惡風項強者屬太陽 方論見太陽病發熱 太陽病項背強
 凡凡反汗出惡風者桂枝加葛根湯主之太陽病項背
 強凡凡無汗而惡風者葛根湯主之皆發散之劑也而
 有輕重不同者蓋發熱汗出惡風為表虛表虛者可解
 肌無汗惡風者為表實表實者可發汗是以為治不同
 也 太陽傷寒項背強其或太陽中風加之寒濕而成
 瘓者亦項強也經曰病者身熱足寒頸項強急惡風時
 頭熱面赤目脈赤獨頭面搖動卒口噤背反張者瘓病
 也金匱曰太陽病項背強凡凡然脈反沉遲者此為瘓

傷寒項強

桂枝加栝蒡湯主之

服桂枝湯或下之仍頭項強痛

翕翕發熱無汗心下滿微痛小便不利者桂枝去桂加

茯苓白朮湯

張或問上條所云頭項強痛此邪氣仍在表也雖經汗下而未解猶宜解散之何故

去桂加茯苓白朮湯主之是無意於表也予曰此非桂枝證乃屬飲家也夫頭頸強痛既經汗下而不解心下滿而微痛小便不利此為水飲內蓄邪不在表故云去桂枝如茯苓白朮若得小便利水飲行腹滿減而熱自除則頭項強痛悉愈矣且如十棗湯證頭亦痛乃邪熱內蓄而有伏飲故頭痛其飲水頭痛不須攻表但宜逐飲飲盡則病安矣

足溫而渴者小柴胡湯

若下後不能食身黃小便難

者與柴胡湯必反重

方論俱見脅痛

結胸者項強如柔痙狀

下之則和大陷胃丸

方論見結胸

太陽與少陽併病頭項

強痛或眩冒時如結胸心下痞鞭者當刺大椎第一間

肺俞肝俞不可汗汗則譫語脉弦五六日譫語不止刺

期門

成太陽之脉絡頭下項頭強痛者太陽表病也少陽之脉循胸絡脇如結胸狀心下痞鞭者少陽

裏病也太陽少陽相併為病不純在表故頭項不但強痛而或眩冒亦未全入裏故時如結胸心下痞鞭此邪在半表半裏之間也刺大椎第一間肺俞以瀉太陽之邪刺肝俞以瀉少陽之邪邪在表則可發汗邪在半表半裏則不可發汗發汗亡津液損動胃氣少陽之邪因干於胃土為木刑則發譫語脉弦至五六日傳經盡邪熱去而譫語當止若不瀉少陽邪熱甚也刺期門以瀉肝膽之氣宜柴胡桂枝栝蒡實柴胡加龍骨湯

太陽少陽併病心下鞅頸項強而眩者當刺大椎肺

俞慎勿下之

成心下痞鞭而眩者少陽也頸項強者太陽也刺大椎肺俞以瀉太陽之邪以太陽

肺下項夾脊故爾肝俞以瀉少陽之邪以膽為肝之府故爾太陽為在表少陽為在裏即是半表半裏證前證

傷寒項強

卷之二

三五

二云不可發汗汗則譫語是發汗攻太陽之邪少陽之邪益甚于胃必發譫語此云慎勿下之攻少陽之邪太陽之邪乘虛入裏必作結胸經曰太陽少陽併病而反下之成結胸小柴胡加桂亦可

桂枝去桂加茯苓白朮湯方

芍藥

生薑

白茯苓

白朮

各壹兩半

甘草

壹兩

大棗

陸枚

右咬咀每服五錢水煎溫服小便利即愈

心下滿痛小便利者成結胸小便不利為停飲故加

苓朮以行之

項強卒口噤背反張為瘕

方論見雜病瘕門

體痛

體痛乃六經俱有之證有表有裏有寒有熱有風有濕如太陽傷寒榮血不利身疼者宜發汗若汗後脈沉遲體痛者又宜溫之中喝身疼者白虎湯解之裏寒外熱身疼者先當救裏而後攻表寒在三陰則脈沉身疼風在三陽則支節煩疼四逆柴胡之劑可不審哉 太陽身痛但拘急耳中濕身痛不可轉側陰毒身痛體勢沉重宛如被杖以此別之

太陽發熱惡寒身體痛者屬太陽病麻黃湯大青龍湯

是也

方論見太陽病發熱下同

若兼心下支結者柴胡加桂枝湯

傷寒身痛 卷之二
若兼下利清穀腹脹者先以四逆溫裏後以桂枝發表 若尺脈遲者血少榮氣不足活人先以黃芪建中湯養其血俟尺脈回却用柴胡等湯和解之
黃芪建中湯方

黃芪

桂枝

各壹錢半

白芍藥

叁錢

甘草

壹錢

右四味以水壹鍾半薑五片棗二枚煎至八分去滓入稠餈一大匙再煎服舊有微瀉或嘔者不用餈
按熱多寒少尺脈遲者榮血不足黃芪建中湯夫血不足而用黃芪者黃芪味甘加以甘草大能生血此仲景之妙法蓋稼穡作甘甘能補胃胃為氣血之海

氣血所從以生又內經曰無陽則陰無以生以甘益胃而生血旨哉今人但知參芪為氣藥故表而出之發汗後身體痛脈沉遲者桂枝加芍藥生薑人參新加湯主之

桂枝

人參

各壹兩半

芍藥

生薑

各貳兩

甘艸

壹兩

大棗

陸枚

右咬咀每服五錢水煎溫服

成汗後身痛邪氣未盡也脈沉遲榮血不足也經云其脈沉者榮氣微也又云遲者榮氣不足血少故也與桂枝湯以解未盡之邪加芍藥生薑人參以益不

足之血

張或云經言表邪盛脈浮而緊法當身疼痛宜以汗解之况身疼皆係表邪未盡此又加人參芍藥生薑以益血何也予曰表邪盛則身疼血虛則身亦疼其脈浮緊者邪盛也其脈沉微者血虛也盛者損之則安虛者益之則愈仲景凡言發汗後以外無表證裏無熱證止餘身疼一事而已若脈稍浮盛則為表邪未盡解今言脈沉遲此血虛而致然也故加人參生薑芍藥以益血

病發熱頭痛脈反沉若不瘥身痛當救裏四逆湯論見發熱

傷寒八九日風濕相搏身體疼煩不能自轉側不嘔

不渴脈浮虛而濇者桂枝附子湯主之成傷寒與中風家主七八日再

經之時則邪氣多在裏身必不苦疼痛今日數多復身體疼煩不能自轉側者風濕相搏也煩者風也身疼不能自轉側者濕也經曰風則浮虛脈經曰脈來濇者為病寒濕也不嘔不渴裏無邪也脈得浮虛而濇身有疼煩知風濕但在經也與桂枝附子湯以散表中風濕

桂枝附子湯方

桂枝去麤皮

附子參枚炮去皮破剝片生薑參兩切

甘草炙貳兩

大棗拾貳枚

右五味以水六升煮取二升去滓分溫三服成風在表者散

以桂枝甘草之辛甘濕在經者遂以附子之辛熱薑棗辛甘行榮衛通津液以和表也

若其人大便鞭小便自利者去桂枝加白木湯主之桂

發汗走津液此小便利大便鞭為津液不足去桂加木

風濕相搏骨節煩疼掣

痛不能屈伸近之則痛劇汗出短氣小便不利惡風不欲去衣或身微腫者甘艸附子湯主之

甘草

白木

各壹兩

桂枝

貳兩

附子

壹枚炮

右咬咀作四劑水煎溫服

茯苓壹兩半

活人云身腫者加防風壹兩悸氣小便不利者加白

陽明病欲食小便反不利大便自調其人骨節疼翕翕如有熱奄然發狂濺然汗出而解者此水不勝穀氣與汗共併脉緊則愈桂枝湯

太陰中風四肢煩疼陽微陰濇而長者為欲愈

少陰病身痛手足寒骨節痛脉沉者附子湯 少陰病

至四五日腹痛小便不利四肢沉重疼痛自下利者有

水氣真武湯

厥陰大汗出熱不去內拘急四肢疼又下利厥逆而惡

寒者四逆湯

身體痛下利方論見下利條

身體痛吐利為霍亂方論見吐利條

身體痛手足寒若脉沉但欲寐者附子湯方論見但欲寐若

大汗出熱不去內拘急自利惡寒者四逆湯方論見下利

若夏月中暑肌虛而渴者白虎加人參湯方論見中暑身

傷寒身痛

痛如被杖面目青咽痛者為陰毒升麻鼈甲去雄黃蜀

椒湯方論見陰毒

垣風濕相搏一身盡痛者補中益氣湯加羌活防風升麻藁本蒼朮治之如病去勿再服以諸風藥損人元氣而益其病故也

海神木湯治風濕惡寒脉緊無汗 白朮湯治風濕惡風脉緩有汗俱見傷寒發熱條

右二朮湯治風濕又當隨證加減其詳並見瘧條及白朮神木二湯後

活杏仁湯 治風濕身體疼痛惡風微腫

桂枝貳兩

麻黃去節湯泡乾

芍藥

天門冬去心各壹兩 生薑壹兩半

杏仁貳拾伍枚去皮尖炒

右咬咀每服五錢水煎温服

垣麻黃復煎湯治陰室中汗出懶語四肢困倦乏力走疰疼痛乃下焦伏火不得伸浮而躁熱汗出一身疼痛盖風濕相搏也以麻黃發汗漸發之在經者亦宜發汗况值季春之月脉緩而遲尤宜發之令風濕去而陽氣升困倦乃退血氣俱得生旺也

麻黃去節用水五盞先煎令沸去上沫粗再煎至叁盞方入下藥

黃芪各貳錢

白朮

人參

柴胡根

防風

生地黄 各伍分

羌活

黃蘗 各壹錢

甘草 叁分

杏仁 叁箇去尖

右咬咀作一服入麻黃湯煎至一盞臨卧服勿飽服

當歸拈痛湯 治濕熱為病身體疼痛 身見雜病身體痛明

卷之二